

ODOEJE NIWAKATE CORIINTIOTEDI

Paulo ijoa owidi eletidi lidietigi loiigi Goniotagodi nigeladimigipitigi Coriinto. Pida onexaa itiwataale bogoiditeloco Aneotedogoji lotaganagaxi. Nigotaḡa Coriinto onowidi nigicoa niliicaḡajetecidi, codaa manitaḡa owidi anoojetekaḡa codaa minoa oojetedi. Coriinto aniboonaḡategimadaḡa leegodi nigicoa loenataka noleegaxiidi. Manitaḡa Coriinto eliodi greegotedi anidiaa ligeladi, one anaḡaxakenaḡaḡa leegodi odiletibige daḡa onaḡaxateloco eledi noiigi minoa lixaketedi. Manitaḡa Coriinto nigica oko one abeyacaḡaḡa, codaa niwicomaḡa. (Awinteloco Atos 18,19).

Nigica loiigo Cristo manitaḡa Coriinto one dawalacetiwage, oada Paulo ja didikotibige, dipokotiogi me yatecoḡotaciwage. Paulo yalaḡata nigina lixaketedi oko me liciagi netoleḡegi lodoe Aneotedogoji. Pida nigica lixakedi Aneotedogoji baadaḡa liciagi lixakedi nigina oko. Nigica loiigi Goniotagodi onowidi nigicoa lakataḡa ane beyagi, leegodi eliodi oko anee lewiḡa agele, owo ane beyagi. Joanigidaa leegodi meliodi oko beyagi modotaḡatibige eliwaḡatakanegegi loiigi Cristo. Oada Paulo ja didikotibige me yoxoḡotece lakataḡa ane beyagi. Diḡaxinaḡatece anodaagee nadoneḡegi, codaa niḡaxitiniwace nigina anonakato Goniotagodi anodaa leeditibige modigotiogi nigina oko ane doḡonakatoteda

Goniotagodi. Codaa aagaga yalaḡata niḡica laawigo Goniotagodi, codaa yalaḡata anodaa leeditibige me ee niḡina oko moilaawi. Niḡica loiigi Cristo digoida Coriinto odidikotibige Paulo odoletibige moyowoogodi niḡicoa niḡaxinagenegeco anewi. Paulo yelogoditiogi anodaagee niḡicoa nixaketedi Aneotedoḡoji Liwigo ane yajigota oko. Codaa diḡaxinagatece niḡica anodaagee nige dopitedijo Goniotagodi, codaa yalaḡata niḡica ḡodolaadi gela ane jibagatege. Eledi yalaḡata niḡica anodaagee ḡodemaanaganegegi anewi. Niḡica lapo loiigi Cristo digoida Coriinto onioda dinyeelo moyaxawa madewetedi anoyiwaḡadi Goniotagodi digoida Jerusalém. Nogowidijedi Paulo lotaga yecoaditibige eliodi oko anonakato Goniotagodi.

Paulo yecoaditibige Coriintiotedi

¹ Ee Paulo, Aneotedoḡoji eniditediwa me ee liḡexegi Jesus Cristo, leegodi jiḡidaa ane yemaa Aneotedoḡoji. Me jidi naḡadi iwakate yaxawa ḡonioxa Sóstenes. ² Jidikotibige lapo oko anida aneetege Aneotedoḡoji, ane niḡeladimigipitibige nigotaga Coriinto, niḡidi ane iolatedicoace Aneotedoḡoji mepaa nepilidi leegodi mida aneetege Jesus Cristo. Aneotedoḡoji eniditedaḡawatiwaji mijokijoateda makaami nepilidi, digo anigotediogi meniditediogi ijotawece niḡijo anodoḡetetalo Goniotagodi Jesus Cristo mepoka nepiliditeda. Jesus Cristo Niotagodi, codaa aagaga Goniotagodi. ³ Jemaa Aneotedoḡoji ane Godiodi, iniaa Goniotagodi Jesus Cristo midioka limedi meletaḡadomitiwaji, codaa mowo midioka limedi mele ḡadaaleḡenalitiwaji.

Paulo diniotagodelalo Aneotedoꝑoji leeꝑodi gela lewiꝑa Coriintiotedi

⁴ Idioka limedi me iniotagodetibigalo Aneotedoꝑoji leeꝑodi akaamitiwaji, iniotagodelalo leeꝑodi meliodi meletedaꝑadomitiwaji leeꝑodi mida anenitege Jesus Cristo. ⁵ Yajigotedaꝑawatiwaji owidi anele ane icoꝑotigi miniwataꝑa, igaataꝑa eote ꝑanimaweneꝑegi me enitece codaa mowoꝑoti, icoatawece niꝑicoa ane leeditibige mowoꝑoti codaa ane leeditibige me enitece. ⁶ Gobodicetedi anele aneetece Cristo ewi moiigi ꝑadakataga me ꝑadewiki. ⁷ Joanigidaa leeꝑodi aꝑica ananiaditaꝑadomitiwaji nixakedi ane yajigotaꝑawa Aneotedoꝑoji Liwigo. Codaa anibeoonitibigegetiwaji niꝑica noko nige dopitedijo Goniotaꝑodi Jesus Cristo. ⁸ Yajigotedaꝑawatiwaji ꝑadoniciwaga me deꝑeyamaꝑatice ꝑatiwagaꝑakaneneꝑegi nigepaa niꝑica owidijegi noko, codaa eote me diꝑica ane yakadi makaami laaꝑetedipi niꝑica noko nige dopitedijo Goniotaꝑodi Jesus Cristo. ⁹ Jakataga me jinakatonaga Aneotedoꝑoji midioka limedi me ꝑodaxawa. Jiꝑijaa ane eniditedaꝑawatiwaji mawanitege Lionigi, ane Jesus Cristo, Goniotaꝑodi.

Niꝑina oko dawalacetiwage, ja dinaxakawamigi

¹⁰ Inioxadipi, ꝑadibodicaxinitiwaji leeꝑodi Liboonaꝑadi Goniotaꝑodi Jesus Cristo maniwotitema ane ꝑadotaꝑatiwaji, odaa jinaꝑawalacetiwage. Opilitelocotiwaji idokida ꝑadowoꝑo, codaa niꝑica ane akatitiwaji me iꝑenaꝑa me ꝑadoenatagi. ¹¹ Inioxadipi, eji niꝑinao yotaꝑa leeꝑodi idi loiꝑiwepodi

Cloe onelogoditiwa minoa nidelegeco gadiwigotigitiwaji. ¹² Joaniğidaa ane jemaa mejitağawatiwaji monidi oko anodi, “Jioteci Paulo”, icaagica eledi modi, “Bağa jioteci Apolo”, idiaageledi modi, “Bağa jioteci Pedro”, pida egidi eledi anodi, “Boğoko nebi Cristo”. ¹³ Odaa natigide gadigeetiwaji, Cristo domige dawalace? Oğoa, Paulo domige oyototelocono nicenaganagate leegodi akaamitiwaji? Oğoa, domige oibake liboonagadi Paulo negetiğadilegenitiwaji?

¹⁴ Iniotagodetalo Aneotedoğoji me diğica ilegexegi niğida makaamitiwaji, ijokijo Crispo ijaa Gaio me jilege. ¹⁵ Odaa joaniğidaa ağica ane yakadi mee me jibake iboonagadi me jilegenaga. ¹⁶ Niğina natigide nalağatibiğiji mağaga jilege Estėfanas idiaa loiğiwepodi. Analagağatibiğiji diğica me jilege eledi oko. ¹⁷ Pida onateciğijo ilegexedi oko, igaatağa Cristo aidiğe dağa jilege oko, pida idiğe me jatemati nibodicededi anele anoyalagatalo. Niğina me jelogodi niğinoa nibodicededi, ajibake lixakedi okotigi niğina iigo, leegodi idoitağa inoğa loniciwağa lemeğegi Cristo me yeletedeloco nicenaganagate.

Cristo loniciwağa Aneotedoğoji, codaa me niğica lowoğotakanegegi

¹⁸ Niğijo natematigo ane yalağata lemeğegi Cristo me yeletedeloco nicenaganagate, niğina oko anicota me naaga, ane diğicata lewiğa miniwatağa Aneotedoğoji, niğidi oko oyakadi niğida natematigo me netoleğegi. Pida okomogoko baaniğida godewiğa ane diğica liniogo jakatağa niğida natematigo me loniciwağa Aneotedoğoji

meote ɣodewiɣa. ¹⁹ Leeɣodi lotaɣa Aneotedoɣoji modi,

“Jaagadi lixaketedi ɣoneleegiwadi aninoa lixaketedi, codaa inoɣa anoyowoɣodi niɣina anowidi lowoogotakanegeco.”

²⁰ Odaa lixakedi niɣina oko aninoa lixaketedi aɣaleegica niwaló. Codaa niɣina ane diiɣaxinaɣatece lajoinaganegeco judeutedi diiɣaxinaɣatece niɣina ane daɣadiaagica niwaló. Codaa niɣina notaganegecajo ane yalaɣata niɣinoa aninoa digoina iigo idaagee eetece niɣina ane daɣadiaagica niwaló. Igaataɣa Aneotedoɣoji ja ikee me netolegegi niɣinoa lixaketedi niɣina oko anida aneetege niɣina iigo.

²¹ Igaataɣa Aneotedoɣoji aneliodi lixakedi, aika niɣina oko moyakadi moyowoɣodi anodaageeteda, leeɣodi oibake epaa lixaketedi okotigi niɣina iigo. Pida Aneotedoɣoji yakadi mele meotace me newiɣa niɣina oko anoyiwaɣadi niɣida natematigo anoyakadieledi oko me netolegegi.

²² Judeutedi domoɣoyemaa Aneotedoɣoji me ikee ɣodoxicegetedi libinienaga, idiaa greegotedi baɣa domoɣoyemaa moyowoɣodi inoatawece odatikatalo lixaketedi.

²³ Pida okomogoko baɣa jatematiiga Cristo me yeletedoɣodomi madataɣa nicenaganagate. Odaa niɣida ɣodatematigo liciagi naɣana wetiɣa aneo me nixipaga judeutedi, pida greegotedi bogoyakadi me netolegegi niɣida ɣodatematigo.

²⁴ Pida niɣina Aneotedoɣoji ane eniditediogi miditaɣa judeutedi, codaa me miditaɣa greegotedi, ɣodatematigo ikeetiogi

Cristo me loniciwaga Aneotedoꝓoji codaa me niḡiniaaginiwa niḡica lixakedi Aneotedoꝓoji. ²⁵ Igaataga niḡida nowoogo anodiletibige niḡina oko daḡa letoleḡegi Aneotedoꝓoji, codaa niḡida nowoogo naḡaxateloco lixakedi oko. Codaa niḡida anodiletibige niḡina oko daḡa laḡamaleḡegi Aneotedoꝓoji, pida jiḡidapaḡa yoniciwadi caticedi loniciwaga oko.

²⁶ Inioxoadipi, analakitibigetiwaji anodaageni niḡijo negeniditedaḡawa Aneotedoꝓoji! Pida Aneotedoꝓoji beḡeniditediogi onateciḡidi niḡina akaamitiwaji aninoa ḡadixaketedi, aḡeliodi anida naḡatetigi, codaa onateciḡidi ane ḡoniotagodepodi. ²⁷ Pida Aneotedoꝓoji iolatedicoace niḡina oko, anodita niḡina okotigi niḡina iḡo me yetoledipi. Eotedibige me ibolikatidi niḡina aninoa lixaketedi. Codaa iolatedicoace niḡina oko anoyakadi niḡina okotigi niḡina iḡo me aḡamalagaḡa, eote me niboliḡatibigiwaji niḡina oko loniciwegaḡa. ²⁸ Aneotedoꝓoji iolatedicoace niḡina anenitiniwace me iwikodadi, codaa me niḡina nataligipi, ane diḡica niwaló. Iolatedicoace niḡidi oko moyaagaḡi niḡina anoyakadi niḡina okotigi niḡina iḡo mida niwaló. ²⁹ Eote niḡida eotedibige me diḡica ane yakadi me dinabaketibece lodoe Aneotedoꝓoji. ³⁰ Pida Aneotedoꝓoji eote me ḡadexociteḡe Jesus Cristo. Niḡijo Jesus loenatagi ikee Aneotedoꝓoji mida lixakedi, oada Aneotedoꝓoji jeḡeote moko oko ane iḡenaḡa leeḡodi Jesus me iḡenaḡa. Codaa Aneotedoꝓoji ḡodiolatedice moko loiigi,

codaa eote me godewigatace leegodi nigijo me yeletedogodomi Jesus. ³¹ Odaa jigidaa Aneotedogoji lotaga modi, “Nigica ane yemaa me dinabaketibece, ele me dinabaketibece leegodi Goniotagodi!”

2

Natematigo ane yalagatalo Cristo noḡoyototedi madataga nicenaganagate

¹ Inioxoadipi, nigijo mejigo makaamitaḡatiwaji me jatemati Aneotedogoji aneote nigijo naga niwakatee Jesus digoina iigo, ajatematika daḡa jibake notaga libinienaga micataga notaganegecajo, oteḡexaagaga jibake emaga ixakedi. ² Igaataga nigijo me idejo makaamitaḡatiwaji, jakadi mele mijoka jatematiteda Jesus Cristo codaa anodaagee me yeletedogodomi madataga nicenaganagate. ³ Nigijo me idejo makaamitaḡatiwaji elioditibece me domaga jinoke, domaga idoi, codaa ja jawigice. ⁴ Nigijo me ḡadiḡaxinitiwaji codaa me jatematikataḡadomi, ajotaga anodaagee niginoa notaganegecajoli anoibake lixaketedi nigina oko. Pida naga jotaga, Aneotedogoji Liwigo ikee loniciwaga nigijo meote ḡodoxiceḡetedi libinienaga. ⁵ Odaa joanigidaagee, jaḡanakatonitetiwaji Cristo, aleegodi notaga lowoḡotakanegegi oko, pida leegodi loniciwaga Aneotedogoji.

Lixakedi Aneotedogoji

⁶ Pida ejinagatece nixaketedi nigina me jotaganegenaga nigina oko baanegeliodi

moilitema eliwaḡatakanegēgi. Pida niḡida nixakedi aicoḡotigi minataga niḡina okotigi niḡina iḡo, oteḡexaaḡaga icoḡotigi minoataga niḡinoa ḡodacilodi diḡoina iḡo, anicota me naaga.

⁷ Pida nixaketedi ane ḡodalagaḡalo Aneotedoḡoji nepilidi, oḡaa oyaḡaditema ḡoneleegiwadi. Aneotedoḡoji akaaḡida niḡida lixakedi niḡijo maleediḡicatibige daḡa yoe niḡina iḡo. Codaa lowoḡo me ḡodinelecaḡatidi eledi dinaḡaditi.

⁸ Aḡica niḡinoa ḡodacilodi ane niḡenatakanaga diḡoina iḡo doḡoyowoḡodi niḡida nixakedi. Doḡoyowoḡodi niḡida nixakedi, daḡanagaḡawini aḡotaḡa oyeloaḡitedeloco nicenagaḡate Goniotaḡodi ane nelegi Liboonaḡadi diḡoḡida ditibigimedi.

⁹ Pida diḡo aneeta lotaga Aneotedoḡoji mee,

“Aḡica ini ane nadi,

oteḡexaaḡaga wajipata,

oteḡexaaḡaga dakatiwece lacilo niḡicoa anele
Aneotedoḡoji

ane laḡajegiteteḡe niḡina oko anoyemaa
Aneotedoḡoji.”

¹⁰ Pida Aneotedoḡoji ja nikeetedoḡowa niḡinoa ane libinienaga, Liwigo jiḡiniaa nikeetogowa. Igaḡataḡa Liwigo iwitece inoatawece, codaa yowoḡodi icoatawece lowoḡo Aneotedoḡoji.

¹¹ Aḡica ini ane yowoḡodi lowoḡo eledi oko, oniniteci oko epoka yowoḡoditeda lowoḡo. Oḡaa idaḡee aḡica ane yowoḡodi lowoḡo Aneotedoḡoji, iniokini Liwigo Aneotedoḡoji baḡa yowoḡodi niḡicoa lowoḡo. ¹² Jibaḡateḡe Niwigo ane icoḡoticogi miniwataḡa Aneotedoḡoji,

aicoḡoticogi minataḡa oko digoina iḡo. Aneotedoḡoji najigotedoḡowa Liwigo eotedibige me jakataḡa me jowoḡotaḡa niḡinoa ane najigotedoḡowa codaa aneotedoḡodomi.

¹³ Niḡina mejinaḡatece ane najigotedoḡowa Aneotedoḡoji, aḡejinaḡatece daḡa jibakenaḡa nixakedi ane icoḡotigi minataḡa oko, pida ejinaḡatece notaḡa ane ḡodiiḡaxitece Aneotedoḡoji Liwigo. Odaa jiḡidaaḡee niḡina me jeloḡotaḡa ane najigotoḡowa Aneotedoḡoji Liwigo, jibakenaḡa notaḡa ane ḡodiiḡaxitece Aneotedoḡoji Liwigo. ¹⁴ Niḡina oko ane diḡica Aneotedoḡoji Liwigo minitaḡa ayakadi daḡa dibateḡe ḡodixakedi aniniokini Aneotedoḡoji Liwigo najigotoḡowa. Pida diletibige daḡa netoleḡegi. Codaa ayakadi daḡa yowoḡodi ḡodixakedi ane najigotoḡowa Aneotedoḡoji Liwigo, igaataḡa iniokini Aneotedoḡoji Liwigo meo oko me yowoḡodi. ¹⁵ Pida oko anini Aneotedoḡoji Liwigo minitaḡa baḡa yakadi me iwi inoatawece, odaa oko ane diḡica Aneotedoḡoji Liwigo minitaḡa aḡica nimaweneḡegi daḡa iwi oteḡexaaḡaḡa yowoḡodi ane najigotedoḡowa Aneotedoḡoji. ¹⁶ Joanigidaa diniditeloce Aneotedoḡoji lotaḡa,

“Aḡica ini oko ane yakadi me yowoḡodi lowooko Goniotaḡodi,

codaa aḡica ane yakadi daḡa iladee Goniotaḡodi.” Pida niḡida moko biḡinoa lowooko Cristo mokotaḡa, leeḡodi Liwigo anini mokotaḡa.

Liotaka Aneotedoꝑoji

1 Inioxoadipi, ajakadi daga jatem-atikataḡadomitiwaji anejigotiogi oko baanaga ilitema eliwaḡatakaneḡegi, pida leeditibige me jatematikataḡadomitiwaji micataḡa niḡina oko anida aneetege niḡina iḡo, codaa ḡadiciagitiwaji nigaanigawaanigi, analeedaḡa ilitema eliwaḡatakaneḡegitema Cristo. ² Niḡina me ḡadiiḡaxinitiawaji, iḡaxinaḡaneḡegi liciagi wacalotiidi ane ilawi nigaanigawaanigi, idiḡida aliciagi liweenigi oko baanaga ili, igaataga anaḡa yakadi mabaateḡetiawaji niḡaxinaḡaneḡegi ane dakake, codaa natigide anaḡakati mabaateḡetiawaji. ³ Igaataga ḡadakataḡatiwaji eliciao lakataḡa oko anida aneetege niḡina iḡo. Niḡina maleeḡina nelokojoḡoneḡegi makaamitaḡatiwaji, nideleḡeco codaa mawalacetiwage, niḡida makaami ḡadiciagitiwaji okotigi niḡina iḡo. ⁴ Niḡina midi oko ḡadiwigotigitiwaji anodi, “Oko baḡa jiwagaḡatece Paulo”, idiaaḡeledi modi, “Baḡa jiwagaḡatece Apolo”, oada niḡida anenitiwaji liciagi anee niḡina oko anida aneetege niḡina iḡo.

⁵ Enice amiijo ica Apolo? Codaa amiijo ica Paulo? Niḡida moko okomodi liotagipi Aneotedoꝑoji, oada leeḡodi ḡobakedi jiḡiwaḡatitetiawaji Goniotagodi. Niḡida moko oninitecibeci eo libakedi ane najigote Goniotagodi. ⁶ Godiciagi niḡinoa nawodaḡanadi. Ee beḡejanaga, Apolo baḡa ilege, pida Aneotedoꝑoji baḡa niḡiniaa eote me ili ḡotanigijedi. ⁷ Niḡina anetanaga inaaḡina ane ilege nawodigijedi aḡica ane jaḡa, pida Aneotedoꝑoji biḡida ane jaḡate,

igaataga jiginiaa eote gotanigijedi me ili. ⁸ Niğina anetanaga inaagina ane ilege nawodigijedi diniciamico, leegodi idokida libakedi anowo. Odaa Aneotedoğoji yajigotediogi nigaanye ane iğenaga leegodi ane libakedi oninitedibeci. ⁹ Leegodi me jibaaga godaxawa Aneotedoğoji, odaa niğida makaamitiwaji gadiciagi nixoğotagi aneite Aneotedoğoji me diba.

Niğida makaamitiwaji aagaga gadiciagi niğina diimigi nelegi ane dabitegetedini Aneotedoğoji niğinoa nokododi. ¹⁰ Jibake ixakedi ane najigotediwa Aneotedoğoji, odaa jao ibakedi micataga niğina noenatagodi diimigi ane lixakedi. Odaa jao lipodağaladi idejate anepaa limedi, odaaeledi oko ja dabitegetini diimigi ditibigimedi niğidi lipodağaladi. Pida oninitedibeci leeditibige me dowediteloco anodaagee me dabitegetini. ¹¹ Odaa ağica inieledi ane yakadi me yojogotinieledi lipodağaladi, pida ijokijo niğijo lipodağaladi aneote Aneotedoğoji, ane Jesus Cristo. ¹² Niğina oko moyoe diimigi, initedibece ibake oolo, beexo, codaa me wetiadi ane diniwaloe, pida inatecibeceeledi boğoibake iwoğo, nadegogo, codaa me exate-lamodi, niğinoa anepiğicota me daa. ¹³ Pida niğicoa latopaco nibaketedi yeloğo niğica noko Cristo nige dopitedijo. Leegodi niğica noko noledi ane iwi, odaa ja ikee ane latopagi libakedi oninitedibeci oko. ¹⁴ Odaa niğina oko ane dabitegeteloco libakedi niğidi lipodağaladi ane Jesus Cristo, niğida nibakedi nige daga deemitetece noledi, odaa Aneotedoğoji ja yajigote oko noğeedi ane lojedi libakedi.

¹⁵ Pida niɓijo libakedi aneo nige yabidi, niɓini oko aniaditema inoatawece ane domaɓa naɓajegi. Pida idokee mida lewiɓa ane diɓica liniogo, pida dawikodawaanigi micataɓa daɓa iwoko noledi.

¹⁶ Agowoogotitiwaji makaami liɓeladi Aneotedoɓoji? Jowoogodi mowoogotitiwaji! Coda aɓowoogoti Aneotedoɓoji Liwigo me diɓeladetiwaɓaji? Jowoogodi mowoogotitiwaji!

¹⁷ Niɓica ane yaagadi Aneotedoɓoji liɓeladi, Aneotedoɓoji aagaga yaagadi niɓini oko. Igaataɓa Aneotedoɓoji iomaɓaditedice liɓeladi mepoka nebiteda, oda niɓida makaamitiwaji akaami liɓeladi Aneotedoɓoji.

¹⁸ Jiniɓica ane dininaale! Niɓica oko gaɓiwigotigitiwaji ane diletibige daɓa daɓaxa minoa lixaketedi ane lakatigi niɓina oko anida aneetege niɓina iigo, oda niɓini oko ele me dinadi me micataɓa daɓa yetole, oda ja yakadi beɓewi me lixakedi. ¹⁹ Igaataɓa lixakedi oko anida aneetege niɓina iigo liciagi godetolegegi lodoe Aneotedoɓoji. Niɓida diniditeloco Aneotedoɓoji lotaɓa, “Aneotedoɓoji iɓeke niɓina aninoa lixaketedi anoninaaletiniwace oko.” ²⁰ Eledi diniditeloco lotaɓa, “Goniotagodi me yowoogodi niɓinoa lowooko niɓina aninoa lixaketedi anida aneetege niɓina iigo me diɓica niwaló.” ²¹ Enice aɓica ane yakadi me dinabaketibece leegodi niɓina oko ane iwitecetiwaji! Leegodi inoatawece gaɓepiliditiwaji. ²² Paulo, Apolo, codaa me Pedro iditawece ida anenitegetiwaji. Coda niɓina iigo gaɓebitiwaji, godewiɓa eledi gaɓebi, codaa me godemegegi. Niɓinoa aninoa natigide, codaa niɓicoa anicota manati, eletidi gaɓepiliditiwaji.

²³ Niğida makaamitiwaji ida anenitege Cristo, ijaa Cristo ida aneetetege Aneotedoğoji.

4

Liğexedi Cristo

¹ Leeditibige me ғodowoogegi moko liotagipi Cristo, ane najigotedoğowa Aneotedoğoji liğaxinaganegeco analee diğicoa moyowoogodi.

² Leeditibige niğina niotagi anida nağatetigi meo inokina ane yemaa niotagodi. ³ Aidigecağalege nigemaani me ee ғalaageditiwaji, icaagicaeledi oko nigoyemaa me ee nilaagedi ane lakatigi oko anida aneetege niğina iigo. Emegee aidiniwi.

⁴ Ee eji me diğica ibatiigi. Pida yakadi mica ibatiigi, Goniotagodi baaniğiniaa idiwi. ⁵ Enice jinagawini oko maleediğicota niğica noko ane nibikota Aneotedoğoji! Ikani nigepaagicota niğica noko nigenagi Goniotagodi! Nadeegite manitaga lokokena ane dinagaditi midi nexocağa, odaa ikee lowoko oko ane yağaditedini. Codaa niğica noko Aneotedoğoji iweniğide oko leegodi loenataka anele.

⁶ Inioxoadipi, niğinoa yotağa oyalagatoğowa ee iniaa Apolo jaotibige me jikeenagatagawatiwaji me ғadaxawanegegi mowoogoti niğida nigegi anodita, “Jinaga anağaxaateloco ane diniditini!” Niğida nigegi diitigi, codaa ewi me diğica ane yakadi me dinabaketibece leegodi oniniteci oko, pida iniaaeledi bağa ғadogolokedi. ⁷ Ağica aneo mida ane jaogatiğagajitiwaji caticedieledi oko. Leegodi, amiidi ica anakati ane dağa Aneotedoğoji yajigotedağawa? Inoatawece ela Aneotedoğoji.

Odaa natigide niginoatawece ḡanoḡeteditiwaji, igame leegodi madinaḡaxakenitibece micataḡa daataḡa ḡanoḡetedi?

⁸ Akati makaami eletetiwaji, me daḡadiaaḡica anopootibige, micataḡa daḡakaami liicotedi, odaa micataḡa daḡakaamitiwaji ḡodacilodi nelecoli ane iḡe inoatawece, pida oko baadoḡokomodi ḡadiciagi. Domaḡa jema a deḡewi makaamitiwaji ḡodacilodi nelecoli domaḡa jaḡatibige daḡakaami ḡodiiḡenatakaḡawepodi. ⁹ Pida jowoḡodi me Aneotedoḡoji epaa ḡodate owidijegi nimesi, anoko liḡexedi. Idigotedoḡowa micataḡa niginoa niwilogojedi anonigodi lodoe inatawece ane newiḡa, odaa inoatawece aanjotedi codaa me ḡoneleegiwadi etiḡodadi. ¹⁰ Igaataḡa niḡida moko anoko liotagipi Cristo ḡodiciagi yetoledipi, pida akaamitiwaji baḡaleetibige daḡakaami niḡina aninoa lixaketedi leegodi mida aneniteḡe Cristo. Okomodi aḡamaleḡegipi, pida akamaḡakaami baḡaleetibige daḡa ḡadoniciwatitiwaji. Niḡina oko anida aneeteḡe niḡina iḡo odeemitetibigaḡajitiwaji, pida okomoḡoko baadoḡowo ḡoniwaló. ¹¹ Codaa niḡina noko me ḡodigicile codaa me ḡodigodi ecibi, codaa idinixomaḡatinigilo waxelogoli. Codaa niḡina oko etiḡodaxacoḡotibige, codaa aḡica ḡodigeladi, idioka limedi me jilatiḡatibece. ¹² Ja jinigaaxaḡa me jibaaḡa leegodi jibakenaḡa okomaḡa ḡodoniciwaga me jakataḡa ane jopoḡatibige. Odaa niḡina oko metiḡodixoo, okomoḡoko baḡa jibinienaḡatiogi. Codaa niḡina oko metiḡodiatetibeci, jixomaḡateenaḡatedice

godawikodico. ¹³ Niḡina oko modotaḡatibigoḡoji, nige ininiḡotaḡa baḡa jatiḡatiogi notaḡa anele. Codaa niḡina natigide ododigotoḡowa micataḡa doḡoko naagogo, codaa oibogoditoḡogi niḡina ane napioi.

¹⁴ Ajidi niḡinoa notaḡa daḡa ḡadibolikatatitiwaji, pida jidi me ḡadajacaḡati, micataḡa niḡina daḡakaami ionigipi yemaanigipi. ¹⁵ Idaaḡida mowidi ḡaniiḡaxinogododipi anetiḡadaxawani me iwitece Cristo, pida aḡeliodi ḡadiododipi. Leeḡodi me ḡadexocitege Jesus Cristo, odaa ee ḡadioditiwaji, iḡaataḡa jeḡemaḡa jao me ee ḡadiodi niḡijo naḡa jadeegitaḡawatiwaji nibodicetedi anele anoditece Jesus. ¹⁶ Enice jipokotaḡawatiwaji me anowiikita anodaaḡeji me idewiḡa, codaa oenitiwaji ane jao. ¹⁷ Joaniḡidaa leeḡodi me jimonyataḡawatiwaji Timóteo ane micataḡa ionigi yemaanigi leeḡodi me jaxawa me nakato Goniotagodi. Idioka limedi me diotece Goniotagodi. Jimonyataḡawatiwaji eotibige manalakitibigetiwaji anodaaḡeji me idewiḡa leeḡodi mida anejiḡege Cristo. Idioka limedi me jao niḡina ane jiiḡaxinaḡatece minataga inatawece lapo loigi Cristo okanicodaaḡica ane diḡetigi.

¹⁸ Initecibece niḡina akaamitiwaji jaḡanaḡaxakeneḡeḡi, leeḡodi diletibige daaditaḡadiaaḡejiḡo makaamitaḡatiwaji. ¹⁹ Pida, nige yemaa Goniotagodi, aḡica daḡa leegi odaa jeḡejiḡo idalitaḡawatiwaji, odaa ja jowoogoditiogi niḡidi oko anaḡaxakeneḡeḡipi, domige idokida mele me notaḡanaḡa, oḡoa domigewi mini

Aneotedoꝑoji loniciwaga miditaga. ²⁰ Igaataga Aneotedoꝑoji iige laalegenali oko leegodi loniciwaga Liwigo Aneotedoꝑoji, idiꝑida aleegodi lotaga oko. ²¹ Amiida anenegegi emaanitiwaji? Emaanitiwaji mejigo micataga diꝑida yalakenaganagadi me gadiloikatititiwaji, oꝑoa emani mejigo me jadeegi yemaanaganenegegi codaa mejigo me ee okaagegi.

5

Ica oko anowo ane beyagi liwigotigi Aneotedoꝑoji loigi

¹ Digawinitiwaji! Inatecibece oko modi mini oko gadiwigotigitiwaji ane doꝑolaꝑataka ane daꝑaxa me beyagi caticedi anowo niꝑina ane diꝑica aneetege Aneotedoꝑoji. Nigopeloꝑotege laninoꝑodo. ² Ica makati madinaꝑaxakenitibecetiwaji, jiniꝑidokeni! Pida biꝑida adinigeꝑaꝑaloꝑotititiwaji, codaa domaꝑa leeditibige miticoitice gadiwigotigi niꝑini ꝑoneleegiwa ane doꝑolaꝑataka. ³ Idaaꝑida me degeee gadiwigotigitiwaji, pida ini iwigo makaamitaꝑatiwaji, oꝑaa micataga daꝑa ee gadiwigotigi, oꝑaa ee ja jiwi codaa ja jowoꝑodi ane leeditibige memiita niꝑini ꝑoneleegiwa aꝑolaꝑatakanenegegi. ⁴ Niꝑina mateciꝑiteloco Liboonaꝑadi Goniotagodi Jesus Cristo, jeemitetece iwigo me micataga daꝑa idei makaamitaꝑatiwaji, codaa loniciwaga Goniotagodi Jesus Cristo ini makaamitaꝑatiwaji. ⁵ Natigide ajicita Satanás niꝑini ꝑoneleegiwa, amaleeꝑaꝑa yeleo, pida liwigo biꝑidioka limedi me idei miniwataꝑa

Aneotedoḡoji niḡica noko Goniotagodi Jesus, nige iwi anigote codaa me diigenatakate moiloikatidi oko leegodi libeyaceḡeco.

6 Agele madinaḡaxakenitibecetiwaji, igaataga ida nibeyaceḡegi ḡadiwigotigitiwaji. Ejimowoḡotitiwaji niḡijo nigegi anee, “Onateciḡini labookojegi paon ilaagiteloco iditawece paon, odaa eo me dabo.” Odaa idaagee onateciḡini nibeyaceḡegi ilaagitaḡaloco, odaa ḡadapioyaḡati akaamitawece. ⁷⁻⁸ Leeditibige manogaaticetiwaji niḡica nibeyaceḡegi, bidige aḡilaagitice anee leyeema labookojegi. Odaa nigidaagenitiwaji, jaḡakaami ane yapiditibigiwaji. Niḡijo lalokegi judeutedi anodita “Páscoa”, judeutedi oyeloadi waxacocoli, codaa oyoe paon aḡoibake labookojegi. Niḡina moyeligo liweenigi lalokegi Páscoa, ninitibigiwaji. Pida Cristo ja yeleotedeloco ḡobeyaceḡeco, micataga waxacoco, anoyeloadi judeutedi me lalokegi Páscoa. Joanigidaa leegodi ayakadi diḡida nélaḡa, codaa anigetigidaeledi ḡobeyaceḡegi catiwedi ḡodewiḡa, ele me jaḡa liciagi anee judeutedi me daḡa oibake paon labookojegi. Odaa jaḡakaamitiwaji ane yapiditibigiwaji, codaa iwaḡati anewi. Odaa ida ḡadinikegitiwaji me iwitece Aneotedoḡoji.

9 Jaḡajo jiditibigaḡajitiwajieledi iwakate me ḡadiḡeni me daḡa awanitegeeledi oko ane loomatewa ane daḡa lodawa. ¹⁰ Pida aḡejitaḡawatiwaji mawalacetege oko anida aneetege niḡina iḡo, ane loomatewa ane daḡa lodawa, adodigomadaḡa, olicaḡaḡa, inaḡinoa

niwicomaşa. Joanigidaa mejitaşawatiwaji me daşa awalacetege oko anida aneetege nişina iişo, leegodi mawalacetege domaşa leeditibige manotiticogi nişina iişo. ¹¹ Pida ja jidikotibigaşajitiwaji mejitaşawa me daşa adinadeegitege nişijo anee me şanioxoa, pida loomatewa ane daşa lodawa, oşoa domige adodigomadaşa, oşoa domige niwicomigi, oşoa domige ilikoneşegi, oşoa domige acipeşegi, domige oliceşegi. Oteşexaşaşa şagiiwepodi oko anidaşae.

¹²⁻¹³ Aşica inaşatetigi daşa jiwi oko ane digica aneetege Cristo. Aneotedoşoji baanişiniaa ane iwi. Pida nişina oko anida aneetege Cristo anini şadiwigotigitiwaji başa leeditibige maw-initiwaji. Enice awii ane diniditeloço lotaşa Aneotedoşoji, nişijo anee, "Iticoitice oko ane beyagi şadiwigotigitiwaji!"

6

Nişica lakatigi loiigi Goniotagoði moiwi anigida lileenigitema eledi nioxoa

¹ Ina mida şadileenigitematiwaji eledi şanioxoa, igaamee ina madeegita şanioxoa şoniwinogodi ane daşa yowoşoditeda Goniotagoði? Daşaleeşaşa adeegita lodoe loiigi Cristo midiaaşoiwi anodigota. ² Aşowoşotitiwaji loiigi Cristo micota moiwi nişina oko anida aneetege nişina iişo? Odaa nige naşakamaşa awini oko anida aneetege nişina iişo, igame leegodi ina me daşakatitiwaji mawini inoa nigecaşaleşetedawaanaşa aninoa

ƣadiwigotigitiwaji? ³ Aƣowoƣotitiwaji me noƣokomaƣa jiwinaƣa aanjotedi? Odaa ida ƣonimaweneƣegi me jiwinaƣa niƣinoa ane ƣodileenaga. ⁴ Odaa niƣinoa ƣadileenagaƣiwaji, adeegitiogi niƣidi iwikodadipi ƣadiwigotigi anakaami lapo loiigi Cristo moiwi anodigota. ⁵ Eji niƣinoa yotaƣa jaotibige manibolikitwaji. Ejimini oko ƣadiwigotigitiwaji ane yowoƣodi me iwi niƣina mididi iniwataale ƣanioxoadipi ane beyagitiwage. ⁶ Pida niƣina mididi lileenigitwage, odaa jiƣini ƣanioxoa anigo igetioeledi nioxoa minitaƣa ƣoniwinogodi, codaa me miditaƣaeledi oko ane daƣa onakatoteda Aneotedoƣoji. Pida aƣele niƣida anenitiwaji.

⁷ Niƣina mididi ƣadileenigitwagetiwaji, jiƣikeenitiwaji mididi ƣabatiigi. Pida domaƣa daƣaxa mele madinatiita ane beyagi anowotaƣadomieledi oko, codaa jiniƣica mawii nigodolice anigidi ƣanebi. ⁸ Pida niƣida makaami akamaƣakaamitiwaji awii ane beyagitema ƣanioxoa, codaa oliceta ane nebi ƣanioxoa.

⁹⁻¹⁰ Aƣowoƣotitiwaji niƣina ane daƣa iƣenaƣatiwaji aƣodakatiwece niƣica Aneotedoƣoji ninioxadi? Odaa jinaƣa adininaalenitiwaji! Niƣijo ane loomatewa ane daƣa lodawa, niwicomaƣa, aƣolaƣatakanagaƣa, ƣoneleegiwa ane loomatewaeledi ƣoneleegiwa, iwaalo opitegeeledi iwaalo, olicaƣaƣa, adodigomadadi, acipaƣaƣa, ina ane dotagaƣatibigeeledi, codaa me aijekaƣa, iditawece niƣidi aƣoyakadi modakatiwece liƣeladi ninioxadi Aneotedoƣoji. ¹¹ Niƣijo jotigide onateciƣidi niƣina akaami jiƣijo me

ɣadakataga niɣinoa ane beyagi anoditece. Pida Aneotedoɣoji ja ɣadapitaɣatitetiwaji, codaa ɣadiolaatedice makaami nepilidi, codaa eote me ɣadegenakitiwaji. Liwigo Aneotedoɣoji jigijaageo niɣida libakeditaɣadomi, leegodi managi miniwataɣa Aneotedoɣoji niɣijo naɣabakeni Liboonagadi Goniotaɣodi Jesus Cristo.

*Jibakenaɣa ɣodolaadi me joɣeeɣatalo
Aneotedoɣoji*

¹² Inatecibece oko anodi, “Jakadi me jao okanicodaagica, igaataɣa inoatawece ele.” Ewi niɣidaagee, pida aɣinoatawece anawiite etiɣadaxawani. Odaa niɣina modi, “Jakadi me jao okanicodaagica, igaataɣa inoatawece ele.” Pida emegeeta ajika diɣida yakatigi anida loniciwaɣatilo. ¹³ Inatecibece eledi oko modi, “Niɣina ɣoweenigi mina leegodi ɣowokomaɣa, codaa ɣowokomaɣa mini lajo ɣoweenigi.” Ewi niɣidaagee, pida Aneotedoɣoji icota me yaagadi idoatawece itoa. Aneotedoɣoji ayoe ɣodolaadi daɣa lajo me ɣodoomatewa okanicodaagica oko, pida yoe eotedibige me jakataɣa me jibaagatema Goniotaɣodi. Odaa Goniotaɣodi najigotedoɣowa inoatawece ane yopotibige ɣodolaadi. ¹⁴ Aneotedoɣoji eote Goniotaɣodi me yewiɣatace, odaa jeɣeote me ɣodewiɣatace leegodi loniciwaɣa Goniotaɣodi.

¹⁵ Owoogotitiwaji ɣadoolatedi mida aneetege lolaadi Cristo? Ameelinedi daaditaɣa owoogotititiwaji! Odaa domige jibake yolaadi ane nebi Cristo me yoomatewa iwaalo agopeloa? Oteɣexaagaga yakadi! ¹⁶ Owoogotitiwaji niɣina

oko ane loomatewa ewocoma, odaa lolaadi micatağa digidiokidi? Igaatağa Aneotedoğoji lotağa mee, “Goneleegiwa aniaa iwaalo niğina me dinoomatewamigi idiokiditiwage lolaadi.”
 17 Odaa idaagee niğina oko ane yexogotege Goniotağodi iniokinitiwage liwigo.

18 Enice oxaxini, jinaga gadoomatewa oko ane dağa gadodawa. Igaatağa okanicodaagicaeledi libatiigi oko adakapetege lolaadi. Pida niğina ane loomatewa ane dağa lodawa eo ane beyagitema epaa lolaadi. 19 Analakitibigeti waji gadoolatedi me micatağa diimigi ane digeladetigi Aneotedoğoji Liwigo? Aneotedoğoji niwakatee Liwigo me digeladetiwağajitiwaji. Odaa ağakamağa adiniigenitiwaji. 20 Igaatağa Aneotedoğoji ja dinoojetetedağawatiwaji, codaa dakake gadoojedi me dinoojetetedağawa. Enice ogeetetalo Aneotedoğoji abakeni gadolaadi iniaa gadiwigo, ane nepilidi.

7

Najoinağaneğeco anoyalagata nadoneğegi

1 Niğina natigide jema me jigidi gagikanegecoti waji anidiitelo gadiwakatetibigiji. Ele goneleegiwa me dağa itinege iwaalo. 2 Pida gadiwigotigitiwaji eliodi oko ane noomatewa ane dağa lodawa. Joaniğidaa leğodi moninitecibeci goneleegiwa leeditibige mani epaa lodawa, onanitecibeci iwaalo ini epaa lodawa. 3 Niğina goneleegiwa leeditibige meotema lodawa ane yema, codaa me iwaalo leeditibige meo ane yema lodawa. 4 Igaatağa

lolaadi iwaalo wadonaga aɓepoka nebi, pida aagaaga nebi nigini lodawa. Codaa lolaadi ɓoneleegiwa wadonaga aɓepoka nebi, pida aagaaga nebi naɓani lodawa. ⁵ Jinaɓa adinolii nigina makaami dinoomatewamigi anakaami wadonadipi. Pida yakadi mikanawaanigi makaami dinoomatewamigi nigina nige adinilakidenitiwage, mawiitibige makati menegegi otaɓanegeni Aneotedoɓoji leegodi anigida anemaani motaɓanegenitece anige liwokodi nokododi. Pida nigina nige adinilakidenitaciwage leeditibige mawii ane yemaa ɓadodawa, bidige Satanás ayakadi me dineetaɓawa mawii ane beyagi daɓa leegodi me daɓakati madinatiita anemaani ɓadolaadi.

⁶ Aɓadiigenitiwaji, pida onexaa ɓadajacaɓatitiwaji, mejitedaɓawa niginoa yotaɓa me idalaɓata nadonegegi. ⁷ Domaɓa jemaa diɓinatawece oko iciagepodi. Pida oninitecibeci oko ida anepaaɓigote Aneotedoɓoji, anigotedoɓowa Aneotedoɓoji adiniciamico.

⁸ Natigide jemaa mejitiogi ixomaɓaɓa inaa wa-jekalodipi me domaɓa daɓaxa mele daaditaɓa nadonaɓa, digo meetaɓa, aneji. ⁹ Pida nige doɓoyakadi me dinajacaɓaditibigiwaji, odaa leeditibige me nadonaɓa. Igaataɓa daɓaxa mele me jadonaɓa, aɓele me jawikodeeɓa leegodi ane yemaa ɓadolaadi.

¹⁰ Ejitiogi nigina ane wadonadipi. Mida niigenatakaneegegi ane daɓa inebi, pida icogotigi miniwataɓa Goniotaɓodi. Iwaalo ayakadi me yaladi lodawa. ¹¹ Pida nige yaladi lodawa, odaa ja

leeditibige me daɗadiaa wado, pida baɗa yakadi mopita lodawa. Odaa ɗoneleegiwa idaagee, ayakadi me yaladi lodawa.

¹² Natigide jiladee eletidi wadonadi. Niɗijoa yotaɗa aicoɗotigi miniwataɗa Goniotagodi. Nigini ɗonioxa anani lodawa analeedaɗa nakatoteda Goniotagodi, pida nigidokee me yemaa, odaa agele me yaladi. ¹³ Coda a nigani iwaalo ane nakato Goniotagodi anini lodawa ane daɗa nakatoteda Goniotagodi, nigidokee me yemaa, odaa agele me yaladi. ¹⁴ Igaataɗa Aneotedoɗoji ja iolatedice micataɗa daɗa nebi niɗijo ɗoneleegiwa analeedaɗa nakatoteda Goniotagodi leegodi me yexogotege lodawa anepaɗa nakato Goniotagodi. Coda a Aneotedoɗoji ja iolatedice micataɗa degepaa nebi naɗajo iwaalo ane daɗa nakatoteda Goniotagodi leegodi lodawa mepaɗa nakato Goniotagodi. Daaditaɗalee diɗidaagee, odaa niɗina lionigipi taɗa napiro laalegenali. Pida Aneotedoɗoji ja iomaɗaditedicoace me nepilidi.

¹⁵ Pida wadonaa ane degeyiwaɗaditeda Goniotagodi, nige yemaa mopi, enice ele moikatice mopi. Odaa niɗida niciagi niɗini ɗonioxa ogoa domige ɗoniwaalo anoyaladi ja yakadi meo ane yemaa, igaataɗa Aneotedoɗoji eniditedoɗowa mele ɗodaalegenali. ¹⁶ Igaataɗa akaami, anakaami wadonaa anepaɗa anakatoni Goniotagodi, aɗowoɗoti Aneotedoɗoji domigeote lewiga ɗadodawa leegodi me iwi aneni me ɗadewiki.

Idioka limedi me iwaɗati Aneotedoɗoji

17 Leeditibige midioka limedi moninitecibeci
 ɣonioxoa yewigatema niɣica anigote
 Aneotedoɣoji, codaa anodaagee Goniotagodi
 menidite me yewigatema. Joanigidaa
 yajoinaganeɣegi ane jiwakateetigi inoatawece
 lapoli anoyiwaɣadi Goniotagodi. 18 Nigini
 ɣoneleegiwa anenidite Aneotedoɣoji baanaɣa
 yakagidi lolaadi, ane lakatigi judeutedi,
 maleedaga nakatoteda Goniotagodi, niɣini
 ɣoneleegiwa aleeditibige daɣa doletibige me
 noɣa libikotaxedi lolaadi. Codaa nigenidite
 Aneotedoɣoji ɣoneleegiwa ane daɣa yakagidi
 lolaadi, niɣini ɣoneleegiwa aleeditibige
 daɣalee doletibige me yakagidi lolaadi.
 19 Igaataɣa aibeyacaɣadi ɣoneleegiwa nige
 yakagidi lolaadi, oteɣexaaɣa niɣina me
 daɣa yakagidi lolaadi. Pida ane daɣaxa mele
 meyiwaɣadi liiɣenatakanegeco Aneotedoɣoji.
 20 Oninitecibeci leeditibige midokee niɣijo
 anee neɣenidite Aneotedoɣoji. 21 Nigakaami
 niotagi neɣeniditedaɣawa Aneotedoɣoji? Enice
 jinaga adinigeɣaɣaleɣeni! Pida nigoyemaa
 metiɣadikanitice makaami niotagi, abaatege.
 22 Igaataɣa niɣina niotagi anenidite Goniotagodi
 ja dinikatice leegodi naga nebi Goniotagodi. Pida
 niɣina ɣoneleegiwa ane daɣa niotagi anenidite
 Aneotedoɣoji ja liotagi Cristo. 23 Aneotedoɣoji
 dakake ɣodoojedi me dinoojetetedoɣowa,
 enice jinagaadinikanitece daɣakaami liotagipi
 ɣoneleegiwadi! 24 Inioxoadipi, oninitecibeci
 leeditibige midioka limedi me dioteci anodaagee
 lewiɣa neɣenidite Aneotedoɣoji, pida beɣele

midioka limedi me gadilakiitege Aneotedoꝑoji.

Ixomaꝑa inaa wajekalodipi

²⁵ Goniotaꝑodi aꝑica najigotedoꝑowa niigenatakaneegegi niꝑina oko ane diꝑica me nadonaꝑa. Pida jeloꝑodi ane yowoꝑo, igaataꝑa ee oko aneliodi me iwikode Goniotaꝑodi, codaa eote me ee oko, anoyakadi monakato eledi oko.

²⁶ Igaataꝑa niꝑinoa nokododi dakaketooꝑodomi. Odaa jakadi mele niꝑina oko midaaꝑee niꝑida anee. ²⁷ Nigakaami wadonaꝑa, odaa jinoꝑoleetibige malataꝑani. Pida nigakaami ixomegegi, odaa jinoꝑoleetibige madoni. ²⁸ Pida nigadoni, aꝑica ꝑabatiigi. Codaa naꝑana awicije me wado, aꝑeo ane beyagi. Pida niꝑina ane nadonaꝑa owidi ane dakaketema digoina iio. Odaa ee adomaꝑa jema minoa niꝑinoa ane dakaketaꝑadomitiwaji.

²⁹ Inioxoadipi, Jema mejitaꝑawatiwaji naꝑa noxopa nokododi. Enice anodaꝑee lewiꝑa ꝑoneleegiwadi wadonadi leeditibige me liciagi lewiꝑa niꝑinoa ixomaꝑa. ³⁰ Odaa niꝑina ane agecaꝑalodipi micataꝑa daaditaꝑa agecaꝑalodipi. Codaa niꝑina ane ninitibigiwaji micataꝑa daaditaꝑa ninitibigiwaji. Codaa niꝑina ane oojeteeꝑa micataꝑa daaditiꝑica anodinoꝑete. ³¹ Odaa niꝑina anodinilakidetigi niꝑinoa aninoa digoina iio micataꝑa daaditaꝑa ica aneetege. Igaataꝑa niꝑinoa lakataꝑa niꝑina oko anida aneetege niꝑina iio icota me ma.

³² Jema me diꝑica ane ꝑadigeꝑaꝑeꝑenitiwaji. Niꝑina ixomegegi niwitalo ane yema Goniotaꝑodi, codaa me yowo niꝑica ane yakadi me loenataꝑi

me docaɣatalo Goniotagodi. ³³ Pida ɣoneleegiwa wadonaɣa baɣa niwitalo niɣinoa aninoa niɣina iiɣo, igaataɣa doletibige me docaɣata lodawa. ³⁴ Odaa jiɣidaa naɣa dioteci itiwataale naicoli. Pida niɣina wajekalodipi inaagina awicijipi analee daɣa nadonaɣa boɣoniwita ane yemaa Goniotagodi. Igaataɣa oyemaa miniokiniwateda modibatema Goniotagodi manitawece laaleɣena codaa me lewiɣa. Pida iwaalo wadonaɣa baɣa niwitalo niɣinoa aninoa niɣina iiɣo igaataɣa yemaa me yocaɣaneɣe lodawa.

³⁵ Ejitedaɣawa niɣinoa yotaɣa me joletibige me ɣadaxawanitiwaji, ajemaa daɣa ɣadibeyacaɣatitiwaji. Pida jemaa mawii ane iɣenaɣa codaa me niɣina anele, makati minokawii ane yemaa Goniotagodi, codaa me diɣica ane ɣadigeɣaɣaleɣeni.

³⁶ Niɣina midi oko ane dinilakidetiwage me dinodawamigi, pida nige leegitege niɣica noko me nadonaɣa, odaa niɣini ɣoneleegiwa nige daɣadiaa yakadi me dinatita, pida nige yemaa me age me wado, enice ele me age me dinodawamigi. Aɣica libatiigi. ³⁷ Pida niɣina lioneeɣa ane yakadi me dinatita me daɣa doletibige me loomatewa iwaalo, odaa niɣini aleeditibige me wado, codaa nige daɣa yemaa me wado, ele lowoogo. ³⁸ Pida idaagee, niɣina lioneeɣa ane lodawa lokaageete eo anele. Pida niɣina lioneeɣa ane daɣa wado leegodi me yakadi me dinajacaɣadi, daɣaxa mele niɣida lowoogo.

³⁹ Naɣani iwaalo wadonaɣa ayakadi me doletibigeeledi ɣoneleegiwa niɣina malee yewiɣa

lodawa. Pida nige yeleo lodawa, odaa baanağa yakadi me lodawa eledi ɣoneleegiwa ane yemaa, pida leeditibige me doletibige niğina ɣoneleegiwa anağaga nakato Goniotagodi. ⁴⁰ Pida jakadi ina me dağaxa me ninitibece nigidioka limedi me wajakalo. Codaa aagağa jakadi ina me Aneotedoğoji Liwigo ane najigotiwa niğinoa yowooko anejitedağawatiwaji.

8

Libole anoiboota niwigo

¹ Niğina natigide jemaa me idalağata libole anoiboota niwigo moiweniğide. Moditibece, “Okotawece ida ane jowoogotaga.” Niğina mini oko ane yakadi minoa ane yowoogodi, niğini dinağaxaketibece, pida niğina me idinemaanağatiwage, baaniğidaageo me ilitema oko eliwağatakanegegi. ² Niğina mini oko ane yakadi minoa lixaketedi, ağica minitağa niğica nixakedi anewi. ³ Pida Aneotedoğoji yowoogodi niğina oko anoyemaa.

⁴ Natigide idalağata libole anoiboota niwigo. Jowoogotaga me diğica niwigo ane yewiğateloce niğina iigo ane loenatagi oko, codaa jowoogotaga mokiniwatece Aneotedoğoji ewikegi, ağica eledi. ⁵⁻⁶ Modi minoa eletidi anoditiogi me ɣonoenogododi digoida ditibigimedi, codaa me digoina iigo, odaa idaağida modi mowidi niğicoa ɣonoenogododi codaa me ɣoniotagododi. Pida niğida moko bağa jowoogotaga mokiniwatece Aneotedoğoji, Godiodi, ane yoe inoatawece aninoa, codaa jiğiniaa ɣodoe me ɣodewiğatema. Codaa

iniwa oniniwatece Goniotagodi, Goniotagodi Jesus Cristo, ane ibake Aneotedogoji me yoe inoatawece aninoa, codaa jiginiaageote me godewiga.

⁷ Pida aginatawece oko anoyiwağadi Goniotagodi oyowoogodi niwicidi noenataka me digica loniciwağa. Niğina oko anidioka limedi moyiwağadi me newiga niwicidi noenataka. Codaa niğina noko egoyeligo libole anoibooeledi oko moiweniğide niwigo, odiletibige niğidi libole dağa nebi niwigo. Odaa agaleegoyowoogodi niğica anele, codaa odeemitetece catiwedi laalegena me nibataağa niğina midatecibece moyeligo niğidi libole. ⁸ Pida niğina libole agodadeegitalo Aneotedogoji. Codaa ağica ane jiniatagatema nige dağa jelicaga libole, codaa nige jelicaga idaagee ağica gonigaanye.

⁹ Enice anidakitawaji adağawii menitini ganioxoa analeedaga yowoogodi niğica anele, leegodi mepaga owoogoti makati melici niğidi libole. ¹⁰ Niğica ane niitagawa analee degewi ina me yowoogodi anele, anepaga nogowoogoti, odaa jegelici libole minitaga diimigi, ligeladi niwigo, odaa aagağa yeligo. ¹¹ Nige iaditece me yeligo niğijo libole, odaa ja deemitetece me dibatá, odaa jegeyamagatice, jağaniatagigitace, idoka leegodi me domağa ikeenaganegeni gadowoogotakanegegi. Pida Cristo aagağa yeletetema niğini goneleegiwa, ganioxoa analee degewi me yowoogodi niğica anele meo. ¹² Odaa niğida makaami jağabataatema niğini ganioxoa codaa jağacilotiti laalegena, odaa joaniğidaa nağabataatema Cristo. ¹³ Odaa nige leegodi libole

me jao me dibatá inioxoa, odaa aḡalee jeligo libole anoiboota niwigo bidige ajibatakati inioxoa.

9

Paulo yalaḡata naḡatetigi

¹ Domige jakadi me jao ane jemaa? Domige ee liḡexegi Aneotedoḡoji? Ee liḡexegi Goniotagodi leeḡodi me jinadi Jesus Cristo, ane Goniotagodi, codaa me iwaḡatitetiwaji Goniotagodi leeḡodi ibakeditema. ² Icaḡicaeledi oko nige doḡodibatigi me ee liḡexegi Aneotedoḡoji, pida akaamitiwaji baḡaniwotitema mewi me ee liḡexegi Aneotedoḡoji. Me iwaḡatitetiwaji Goniotagodi ee leeḡodi, odaa niḡida anenitiwaji ja ikee me ee liḡexegi Aneotedoḡoji.

³ Niḡina oko modotaḡatibigiji, ininiḡodi meji, ⁴ “Niḡina me jibaaḡa, domige jakataḡa me jibaḡatege ane jopoḡatibige me jiniodaḡa, codaa me jacipaḡata? ⁵ Ina me iniwiajeeḡa me jaḡa ḡobakedi, domige jakataḡa me jadeeḡaḡa ḡododawali anonakato Goniotagodi, anee eletidi liḡexedi Aneotedoḡoji, codaa me nioxoadipi Goniotagodi, ijaa Pedro? ⁶ Oḡoa, domige emokeeto Barnabé me leeditibige me jibaaḡa mokomaḡa jinoḡeteḡatibige ane jopoḡatibige? ⁷ Aḡica ini iodaḡawa anepaa yedia laakataka niḡina meo ane libakedi me iodaḡawa. Codaa aḡica ini anetanaga, ane daḡa yeligoteda lawodigijegi. Codaa aḡica ane yowie lexeela, odaa aḡotaḡa wacipetalo lotiidi.”

⁸ Niḡina me jiḡaxinaḡa, aḡinokina me jiciaceketiwage niḡinoa aninoa digoina iḡo, pida midiwa lajoinaḡaneḡeco Moisés

diniditeloço idaağida niğida niigaxinaganegegi.
 9 Igaatağa najoinaganegeco ane iditedini Moisés,
 diniditeloço, “Jinağa agoeni nioladi ewalaile
 niğina me nidi leyeema.” Odaa Aneotedoğoji
 mige inoka igecağalegeteda ewalaile? 10 Oğoa
 domigeote ida ligegi mağağa yalağatedoğowa?
 Ajawienatakanaga mağağa yalağatedoğowa
 me yema me godaxawa. Igaatağa niğina
 anetanağa, codaa me niğina ane nopilağaditedio
 nawodigijedi owo niğida libakedi, odaa niğidi
 itoa onibeotege modibatege ane niwai niğijoa
 anonopilağaditedio. 11 Odaa niğida micatağa dağa
 ejanagatiwağajitiwaji lolagi Liwigo Aneotedoğoji.
 Odaa ejimele me jibağatege ane jopoogati bige ane
 icogoticogi makaamitağatiwaji, micatağa niğina
 ane nopilağaditedio lawodigijedi. 12 Nigoyakadi
 eledi oko modibatege anoyopotibige me newiğa
 akaamitiwaji, odaa okomodi bağa domaga dağaxa
 mele me jibağatege gadaxawatakanegegi.

Pida niğida moko ajemaanağa dogoka
 gadiboloiteenegegi me jakatağa me jibağatege
 ane jopoogati bige makaamitağatiwaji. Pida
 ajibağatege, odaa jixomagateenagatedice
 godawikodico, jaogati bige me dağa
 godibeyacağadi niğina me jiigaxinaganagatece
 gobodicetedi anele anoditece Cristo.
 13 Analakitibigetiwaji niğijo anodibatigi
 Aneotedoğoji liğeladi odibatege epaa liweenigi,
 niweenigi anoyajigotalo Aneotedoğoji? Niğina
 moyeloadi eijeeğagi odaa joğoyalegi madi
 nameeja wetiğa mini Aneotedoğoji liğeladi,
 niğidi oko onoga liwai niğidi libole. 14 Jiğidaagee

Goniotagodi me iige niġina ane yatemati natematigo anele anoyalagatalo Goniotagodi, niġidi leeditibige modibatege anoyopotibige miditaġa oko anoniiġaxitiniwace.

¹⁵ Pida ajemaa me jibatege niġijo ane domaġa leeditibige me jibatege, codaa ajiditibigaġaji naġadi iwakate daġa jipokotaġawa ane domaġa leeditibige me jibatege. Ejime daġaxa mele me ideleo, aġele daġa jipokotaġawatiwaji ane domaġa leeditibige me jibatege. Ajemaa diġica ane noġa ane leeġodi me idinabaketibece me diġica inigaanye me jiba. ¹⁶ Aġica leeġodi daġa idinabaketibece me jatemati ġobodicetedi anele, igaataġa Aneotedoġoji idiige me jatemati. Pida nagoodi ee daaditaġa jatematiteda nibodicetedi anele, igaataġa taġa idiloikatidi Aneotedoġoji! ¹⁷ Daġa jakadi me jiwi mige jatemati nibodicetedi anele, oġoa domige ajatemati, daġanagawini jakadi me inibeotege inigaanye. Pida leeditibige me jatemati nibodicetedi anele leeġodi Aneotedoġoji idiige me ibakedi, oġaa ajakadi me jiwi mige jemaa, oġoa domige ajemaa. ¹⁸ Oġaa, amiini ica inigaanye? Ane inigaanye, niġina me jatemati ġobodicetedi anele, oġaa aġica ane jibanoonaġatece, codaa me jao niġida ibakedi aġica daġa jipokotaġawa ane domaġa leeditibige me inigaanye.

¹⁹ Aġica ane ee liotagi, codaa aġica ane idiige. Pida jao me ee liotagi inatawece oko jaotibige meliodi oko ane inigaanyetema Cristo. ²⁰ Maleeġidiaaġejo miditaġa judeutedi, jioteci lakataġa jaotibige midi ane inigaanyetema

Cristo. Niḡijo me jiba miditaḡa anodioteci liiḡaxinaḡaneḡeco Moisés, jioteci lakataḡa idaaḡida me daḡa domaḡa leeditibige, leeḡodi jaotibige mido oko ane inigaanyetema Cristo. ²¹ Niḡijo me idejo mido ane daḡa judeutedi ajioḡece lakataḡa Moisés, jaotibige mido ane inigaanyetema Cristo. Pida idioka limedi me jioḡece liiḡenatakanegeco Aneotedoḡoji, ane diiḡaxinaḡatetece Cristo. ²² Niḡijo me idejo mido ane daḡa yoniciwaditeloco eliwaḡatakanegegi, idiniciaceeketeḡe, leeḡodi joletibige me inigaanyetema Cristo. Joaniḡidaa me jioteci lakataḡa oko aneḡoḡice, jaotibige mido anida ḡela lewiḡa miniwataḡa Cristo.

²³ Idioka limedi me jao me micataḡa deḡee nioḡaḡi jaotibige eledi oko mowajipata ḡobodicededi anele, codaa jaotibige me idibinie Aneotedoḡoji diḡo anigotediḡi me ibinietediḡi oko anowajipatalo nibodicededi anele.

²⁴ Digowoḡoḡiwaji niḡina waletaḡa, iditawece waleditibigiwaji modoletibige me gaanyaḡa. Pida oniniteci ane dibateḡe noḡeedi. Enice adinoniciwaḡati malokoditiwaji amaleeḡaḡa anigaanye ane ḡanoḡeedi. ²⁵ Inoatawece nalokodeḡecajoli dinenyaḡadi codaa dinowedi meotibige me diniḡaanyetece lale anepaḡa icota me daa. Pida oko baḡa idinoniciwaḡataḡa me jadeeḡaḡa nibodicededi anele jaoḡatibige me inigaanyaḡatece ḡonoḡeedi ane daḡa daa. ²⁶ Joaniḡidaa leeḡodi me idinoniciwaḡadi me jalokodi, aiciḡi niḡina netadicaḡaneḡecajo ane daḡa naliḡo ane yetadiḡi, oḡaa mina aniadi loniciwaḡa. ²⁷ Oḡaa niḡida me

ee jiloikatidi yolaadi micatağa dağa onetadigitice, jaotibige me jakadi me jajacağadi yolaadi. Coda jaotibige nige jigodi ibakedi me jatematitema eledi oko nibodicetedi anele, odaa ajiniaditema ane inoğeedi.

10

Paulo yajacağadi Coriintiotedi leegodi niwicidi noenataka

¹ Inioxoadipi, ajemaa daaditoğowooğotitiwaji anoixomağateetice ғodaamipi anodioteci Moisés. Ijotawece ideı natinedi niğijo lolaadi Aneotedoğoji ane niıge me dowediteloco, codaa ijotawece diğetitacicoace, mewaligitibigiwaji catinedi akiidi-eliodi ane yawalacetedicoace Aneotedoğoji, odaa ja yadilotece ligi. Niğidi akiidi-eliodi liboonağadi “Akiidi-eliodi lixagoteğegi.”

² Niğijo ғodaamipi me ideı natinedi niğijo lolaadi codaa neğeyagitinigi liwigotigi akiidi-eliodi. Odaa micatağa diğijotawece dinilegetibigiwaji, niğijo nağa ijotawece odioteci Moisés liwigotinigi akiidi-eliodi.

³ Ijotawece oyeligo idokida niweenigi ane niwakatee Aneotedoğoji icogotibigimece ditibigimedi.

⁴ Coda ijotawece owacipeta idokida ninyoğodi ane niwakatee Aneotedoğoji. Niğida ninyoğodi icogotiwece wetiğa. Nağani wetiğa micatağa dağa Cristo, ane diotedibece.

⁵ Pida Aneotedoğoji aninitedibece leegodi eliodi niğidi ғodaamipi nibataağa, joanığidaa leegodi meliodi nigo, odaa loolatedi ilaagiteloco midi nipodigi ane yadilo.

⁶ Ijoatawece ninyaco godaamipi owotibige metigodajacaḡadi, me daḡa jemaanaḡa me jaoga ane beyagi baanogowote niḡidi noiigi. ⁷ Jinogogeetalo niwicidi noenataka daḡawii liciagi onateciḡijo niḡijo oko baaniḡijo modoḡetetalo. Aneotedoḡoji lotaḡa yalaḡatiogi niḡidi, mee, “Noiigi nicotiniwace me niodaḡa codaa me nacipaḡa, odaa ja dabiditiniwace, ja diniḡiliidi.” ⁸ Odaa jinaḡa ḡadoomatewa ane daḡa ḡadodawa, anee niḡijo noiigi. Odaa leeḡodi niḡica anee, vinte-três miili oko nigo ijokijo noko. ⁹ Agele daḡa idineenaḡatalo Goniotagodi, digo anee onateciḡijo niḡijo noiigi. Joaniḡidaa leeḡodi Aneotedoḡoji me niḡe laketedi ane diniweneene monogojatiniwace niḡidi oko, odaa eliodi oko ja nigo. ¹⁰ Enice jinaḡa adinalomeḡenitiwaji, digo anee onateciḡijo niḡijo noiigi. Joaniḡidaa leeḡodi Aneotedoḡoji naḡa iḡetediogi niḡijo aanjo ane ḡodaḡadi me nigodi.

¹¹ Odaa joaniḡidaaḡee jotigide ḡodaamipi, odaa Moisés iditeloco maditaḡa Aneotedoḡoji lotaḡanaḡaxi eotibige me ḡodajacaḡadi. Iḡataḡa niḡinoa nokododi anejonaḡatigilo ja nipegi me daa niḡina iḡo.

¹² Niḡina oko ane diletibige daḡa datiteti me dabiditi, leeditibige me dinowedi adeḡenitini, adeḡeyamaḡatice eliwaḡatakaneeḡegi. ¹³ Niḡina mawikodeetiwaji, ḡadawikodico liciaco lawikodico eledi oko. Pida Aneotedoḡoji idioka limedi meote ane ligegi, codaa ḡadikanitetiwaji daḡawikodee caticedi ḡadoniciwaga. Niḡina me ḡadikanitetiwaji mawikodee yajigotedaḡawa

ḡadoniciwagatiwaji mabootege ḡadawikodico, odaa akati me ḡadiwokoni me amiḡitice.

¹⁴ Joaniḡidaagee, akaami yokaagetedipi yemaanigipi, jiniḡica anenitege niwicidi.

¹⁵ Ejitaḡawatiwaji anakaami oko ane yowoḡodi inoatawece. Akamaḡakaami awinitecetiwaji niḡida ane jeloḡoditaḡawa. ¹⁶ Digowoo

naḡajo goopa viinyo ane jacipaḡateloco me iniotagodeegatalo Goniotaḡodi leeḡodi me yeletedoḡodomi. Idioka limedi me ḡodibinie niḡina me jacipaḡateloco naḡajo goopa, leeḡodi ḡodexogotege Cristo leeḡodi lawodi ane nadoḡoditedoḡoloco. Coda digowoo niḡijo

paon ane idinawalacenaḡatigi me jelicaga niḡina me ḡodalagaḡatibige lolaadi Cristo moyacilotidi leeḡodi okomoḡoko. Niḡina me jelicaga paon, odaa ja jikeenaga me jatecoḡojogotege Cristo.

¹⁷ Okotawece idiokidi paon ane jelicaga, idaaḡida moko eliodi, pida ida anejinaḡatege idiokidi nolaadi, igaataḡa idiokidi paon ane jelicaga.

¹⁸ Digowoo niḡijo anowo loiigi Israel. Niḡijo anoyeligo libole anoyalegi madi nameeja Aneotedoḡoji modocaḡatalo niḡidi ida aneetetege Goniotaḡodi leeḡodi nameeja nebi Aneotedoḡoji.

¹⁹ Amiini ica ane jema me jeloḡoditaḡawatiwaji? Aḡejitaḡawatiwaji niwicidi noenataka mida nimaweneḡegi. (Leeḡodi aḡica nimaweneḡegi!) Coda aḡeji mida niwaló niḡina oko moyedia niwigo. (Leeḡodi aḡica niwaló!) ²⁰ Pida ane

leeḡodi me idalaḡata niḡina oko moyedia niwigo noenatagi, jaḡaga oyedia niwicidi abeyacaḡaga, idiḡida aḡoyedia Aneotedoḡoji. Joaniḡidaa ajemaa

digica anenitegetiwaji niwicidi abeyacaḡaga. ²¹ Agakatitiwaji daḡa acipeteloco naḡada goopa me ḡodalagatibige lemeḡegi Goniotagodi, oditaḡa digidiaaḡidi jaḡaga acipeteloco eledi goopa anowacipeteloco moiweniḡide niwicidi abeyacaḡaga. Ayakadi deḡelicitiwaji paon niḡina me ḡodalagatibige moyacilotidi lolaadi Goniotagodi leeḡodi okomogoko, oditaḡa digidiaaḡidi jaḡagelici eledi paon anoyeligo moiweniḡide niwicidi abeyacaḡaga. ²² Domige joleeḡatibige Goniotagodi me delokojoḡo? Codaa domigaleetibigetiwaji daḡa daḡaxa me ḡodoniciwadi caticedi Goniotagodi?

Ele me joleeḡatibige me jocaḡanegenaga ḡonioxadipi

²³ Inatecibece oko modi, “Jakataḡa me jaogḡa ane jemaanaḡa me jaogḡa!” Ewi me yakadi, pida ayaxawa eledi ḡanioxa. Inatecibece eledi modi, “Jakataḡa me jaogḡa okanicodaagica!” Pida ayaxawa me ili eliwaḡatakaneeḡegi eledi oko. ²⁴ Agica ane yakadi me doletibige inokina ane yemaa, pida leeditibige me joleeḡatibige me jaogḡa inokina ane yaxawa eledi ḡonioxa.

²⁵ Niḡina manoojete libole mani liboledagaxi, aleeditibige daḡa agikani niḡidi libole domige niboonigita niwigo moiweniḡide. Pida yakadi manoojete okanicodaagica libole melici, me daḡa agikanitece daḡa ḡadigecagaleḡeni migele melici, oḡoa domige agele melici. ²⁶ Igaataḡa lotaḡa Aneotedoḡoji modi, “Iiḡo, codaa minoatawece aninoa, nepilidi Goniotagodi.”

²⁷ Nigica oko ane daɣa nakato Goniotaɣodi ane ɣadodeni maniodi liɣeladi, nigemii, oɗaa elici okanicodaagica anoyajigotaɣawa, pida jinaga agikani migoyajigo niɣida niweenigi moiweniɣide niwigo. Jinaga agecaɣalegeni migele, oɣoa domige agele melici. ²⁸ Pida nigica oko aneetaɣawa, “Niɣidi libole diniboota niwigo moiweniɣide”, oɗaa jineɣelici. Ele me deɣelici leegodi niɣijo oko aneo ɣadeemidi, adaɣawii ane yakadi me beyagi niɣini oko. ²⁹ Leegodi lowooko, oɗaa ele me daɣaniodi, aleegodi anakamaga ɣadowooko.

Pida yakadi mica oko ane digika, anee, “Igaamee ina me daɣa jakadi me jeligo ane jemaa idoka leegodi eledi oko me yakadi me beyagi me jeligo? ³⁰ Nige iniotaɣodetalo Aneotedoɣoji leegodi iweenigi ane jeligo, amiida leegodi eledi oko metidalomege? Leegodi ja iniotaɣodetalo Aneotedoɣoji leegodi iweenigi ane jeligo.”

³¹ Ee jiɣidaagee me jowo. Niganioditiwaji, oɣoa domigacipe, oɣoa domigawii okanicodaagica, idioka limedi moleetibige oko modoɣetetalo Aneotedoɣoji. ³² Awii anodaageni me ɣadewiki me daɣawii lélaɣa judeutedi, oteɣexaagaga eledi noiigi, oteɣexaagaga loiigi Goniotaɣodi. ³³ Awii liciagi aneji. Idinoniciwaɣadi me jocaɣanege inatawece oko inoatawece yoenataka. Ajowo inokina ane idaxawa, pida aagaga jowo niɣina ane yaxawa eledi oko, jaotibige modoletibige Aneotedoɣoji me yakadi meote gela lewiɣa.

11

¹ Anowiikitiwa, aneji me inowiiɣotalo Cristo.

Ane leeditibige me lakatigi iwaalepodi minitaga Aneotedogoji ligeladi

² Jemaatibigaḡajitiwaji leegodi manalakitibige ijoatawece baanaga jiiḡaxitedaḡadici, codaa motetenitetiwaji niḡijoa niḡaxinaganegeco ane jajigotedaḡawa. ³ Natigide, jemaa mowoḡotitiwaji Cristo me lacilo inoatawece ḡoneleegiwadi, codaa niḡina ḡoneleegiwa jiḡiniaa lacilo iwaalo, oḡaa Cristo lacilo baḡa Aneotedogoji.

⁴ Niḡina mateciḡi minitaga Aneotedogoji ligeladi moḡeetetalu, oḡaa niḡica ḡoneleegiwa ane dabiditini me yotaḡaneḡe Aneotedogoji, oḡoa domige yeloḡodi ane ligegite Aneotedogoji, pida yapoḡoditi lacilo, niḡida anee adeemitetibige Cristo ane lacilo. ⁵ Codaa naḡana iwaalo nige daḡa yapoḡoditi lacilo, oḡaa ja yotaḡaneḡe Aneotedogoji, oḡoa domige yatemati ane yeloḡodite Aneotedogoji, naḡani iwaalo adeemitetibige lodawa, ane domaḡa lacilo. Pida ja liciaceekawa naḡana iwaalo ane yapitaḡadi lacilo. ⁶ Iwaalo nige daḡa yapoḡoditi lacilo, oḡaa domeḡele me yapitaḡadi lacilo. Pida nige liboliḡa iwaalo me yapitaḡadi lacilo, oḡaa dice leeditibige me yapoḡoditi lacilo. ⁷ Niḡina ḡoneleegiwa baadaḡa leeditibige me yapoḡoditi lacilo, iḡaataga Aneotedogoji yoe ḡoneleegiwa me liciaceekawa, codaa jajigote naḡatetigi ane datika me doḡetetalu Aneotedogoji. Pida iwaalo baḡa ikee naḡatetigi ḡoneleegiwa, codaa me doḡeteta. ⁸ Iḡaataga Aneotedogoji odoejegi me yoe ḡoneleegiwa, oḡaa niḡidiaḡidi jaḡaga

yoe iwaalo, datikate epaa laweegi ghoneleegiwa. Niḡijo odoejegi ghoneleegiwa aicoḡotiwece iwaalo le. ⁹ Aneotedoḡoji ayoe ghoneleegiwa daga leeḡodi iwaalo, pida iwaalo baḡa yoe leeḡodi ghoneleegiwa. ¹⁰ Joanigidaa leeḡodi iwaalo me leeditibige me yapoḡoditi lacilo me ikee ghoneleegiwa mida naḡatetigiteloco, oada nige niḡidaagee aigeḡalogoḡotidi aanjotedi anoigoaditiogi. ¹¹ Pida ida ane jaoga me jowoḡotaga niḡina me ḡodexogotege Goniotagoḡodi, naḡana iwaalo yopotibige me dinaxawatege ghoneleegiwa, codaa ghoneleegiwa yopotibige iwaalo. ¹² Igaataḡa digo anigote Aneotedoḡoji maleekoka yoeteda iwaalo datikate laweegi ghoneleegiwa, oada idaagee niḡina ghoneleegiwa menitini, icoḡotiwece iwaalo le. Pida inatawece oicoḡoticogi miniwataḡa Aneotedoḡoji ane yoe inoatawece.

¹³ Akamaḡa adiniwinitiwaji domige igenaḡa ḡadakataga! Niḡina Aneotedoḡoji loiigi me yatecoḡo, domigele ana iwaalo me yotaḡaneḡe Aneotedoḡoji me daga yapoḡoditi lacilo? Agele! ¹⁴ Okomaḡa ḡodowookoneḡegi etiḡodiigaxi me ḡoboliḡa ghoneleegiwa me daḡaxa mamodixaḡa. ¹⁵ Pida iwaalo lamodi mocaḡataḡa beḡeo moiweniḡide. Igaataḡa Aneotedoḡoji eote lamodi mocaḡataḡa me yapoḡoditi lacilo. ¹⁶ Nigica ane yemaa me yotigimade yotaḡa, ejitaḡawa me diḡicaeledi ḡodakatigi niḡina me jatecoḡojoḡo, codaa niḡinoa eletidi lapoli loiigi Aneotedoḡoji idaagee aḡicaeledi lakatigi.

*Anodaagee me ḡodalagaḡatibige lawikodico
Goniotagoḡodi*

17 Digawiniti waji! Ni gijo ni igaxina ganegegi ane jajigota gawati waji, o daa ajemaati-bigagajiti waji, igaataga ni gina me ateci gi mogetetibigimece Aneotedo goji, o daa akamaga adinibeyaca gatiti waji, agaxawanieledi me ilitema eliwagata kanegegi. 18 Ji gidaa odoejegi gadoenatagi ane beyagi. Jajipatibece moyala gata ni gina mateci gi ti waji, minoa lapoli oko dakapetibigi wage, dinotigimade, doletibige me nidelaga. Ja domaga ejiwagadi ni gida natematigo. 19 Ajawienatakanaga me leeditibige midywa lapoli ane dawalaceti wage gadi wigotigiti waji amaleegaga yelogo anepaga igena gatibigi waji. 20 Ni gida aneni mateci gi maniodi me gadalakitibigeti waji lawikodico Goniota godi, ni gida niweenigi anelicitiwaji agica aneete tege Goniota godi, igaataga ago getalo. 21 Igaataga ni gina manioditi waji, anileciti wage, o daa idi anodoejedipi moyeligo epaa liweenigi. Pida o daa jigini ane agitaagi, codaa iniaageledi baya yemaga. 22 Igaameniti waji midaga eni? Agica akamaga gadi geladiti waji anei makati maniodi, macipe nigepaa licata gadi ci? Ageemiteetibigeti waji Aneotedo goji loi gi, codaa abolikatititi waji madewetedi. Amiida ica anejitagawati waji? Domige gadi wenigideniti waji? Otege xaagaga onateci gini!

23 Goniota godi nikeetedi wa ni ginoa ane jigaxita gadi citi waji. Ji igaxinagatece me ni gijo enoale Judas ni gijaanaga yajigotedigi Goniota godi mijoa nelogododipi, Goniota godi Jesus ja dibate ijo paon. 24 Naga diniota godete Aneotedo goji,

odaa ja yawalace niḡijo paon, odaa mee, “Abaata niḡini paon, odaaḡelici! Niḡidi paon liciagi yolaadi ane dinoketibige leeḡodi akaamitiwaji. Idioka limedi mawii niḡida manalakitibigiji.”

²⁵ Igaanaga niataga moyeligo niḡijo paon, idaaḡigote Jesus naḡajo goopa viinyo, dibate, odaa mee, “Naḡada goopa ikee Aneotedoḡoji me gela me dinilakidetacetege me dibatetege oko leeḡodi me inadooḡodi yawodi leeḡodi inatawece oko. Odaa idoka enitiwaji niḡina macipetibigelocotiwaji goopa viinyo awii niḡida manalakitibigiji.”

²⁶ Igaataga niḡina melici paon codaa macipeteloco goopa viinyo, niḡida anenitiwaji, idioka limedi me ikeeni Goniotagodi me yeleotedoḡodomi nigepaaḡicota me dopitedijo.

²⁷ Joaniḡidaa leeḡodi oko ane yeligo nipaon Goniotagodi oḡoa domige wacipeteloco nigoopa Goniotagodi, pida lewiḡa nige daḡa ikee me deemitetibige Goniotagodi, niḡini oko eo ane beyagitema lolaadi codaa me lawodi Goniotagodi.

²⁸ Enice maleedoḡoyeligo paon oḡoa domige owacipeteloco goopa viinyo, oninicebeci leeditibige mecoḡotace diniwi, iwitece lowooko.

²⁹ Igaataga niḡina ane yeligo paon codaa me wacipeta viinyo me daḡa yowo oteḡexaaḡaga deemitetibige niḡidi paon idaa viinyo anoiciaceeketege lolaadi idiaa lawodi Goniotagodi, niḡina nigowacipe codaa moyeligo, Aneotedoḡoji iloikatidi niḡidi oko.

³⁰ Joaniḡidaa leeḡodi eliodi niḡina akaamitiwaji aḡadoniciwatitiwaji codaa akaami eelotaginadi,

codaa mijo ane nigo. ³¹ Daga jiwinaḡatece okomaḡa ḡodowooko, odaa agotaḡa ḡodiloikatidi Aneotedoḡoji. ³² Pida Goniotaḡodi ja ḡodiwi codaa ja ḡodiloikatidi eotedibige Aneotedoḡoji me daḡadiaa leeditibige me ḡodawanaḡaditeteḡe niḡina oko anida aneeteḡe niḡina iḡo nige limedi me iloikatidi nigowidijegi noko.

³³ Enice, inioxoadipi, niḡina mateciḡitiwaji maniodi, codaa macipe viinyo me ḡadalakitibigeḡitiwaji Goniotaḡodi, adinaliitiwaji.

³⁴ Codaa nigica ane nigicile niḡina akaamitiwaji, leeditibige maniodi digoida liḡeladi, odaa aḡenagi liḡeladi Aneotedoḡoji midokida maniodi, odaa aḡica ane iloikatidi Aneotedoḡoji niḡina me ateciḡitiwaji. Nige jakadi mejigo idalitaḡawatiwaji, odaa jema aḡadajacaḡatitece niḡinoa eletidi ḡanicinoa ane aḡikanitecetiwaji.

12

Godixaketedi ane najigotoḡowa Aneotedoḡoji Liwigo

¹ Inioxoadipi, jema mowoḡotitiwaji ane wi aneetece ḡodixaketedi ane najigotoḡowa Aneotedoḡoji Liwigo. ² Owoḡotitiwaji niḡijo maleedaḡa anakatoni Goniotaḡodi, niḡijoa niwicidi noenataka ane daḡa notaḡanaḡa etiḡadiiḡeni, codaa me iwaḡati. ³ Joaniḡidaa leeḡodi me jema mowoḡotitiwaji me diḡica oko ane yakadi mee, “Jixoomaḡa Jesus”, oditaḡa ejinaḡa Aneotedoḡoji Liwigo eo me dotaḡa. Codaa aḡica ane yakadi mee, “Jesus Goniotaḡodi”, nige daḡa Aneotedoḡoji Liwigo aneo me dotaḡa.

⁴ Owidi latopaco ane jiniigaticogi, pida iniaagini Liwigo Aneotedoꝑoji ane ɣodediatetece. ⁵ Owidi latopaco nibaketedi, pida iniaaginiwateda Goniotaꝑodi ane jibaagatema. ⁶ Adinatopiamigi ɣodixaketedi me jaoga ɣobakedi, pida iniaaginiwateda Aneotedoꝑoji ane najigotoꝑowa oninitecibeci ida ɣodixakedi me jaoga ɣobakedi. ⁷ Pida Aneotedoꝑoji Liwigo adinatopiamico nimawenegeco me dinikeeta oninitecibeci oko, eotibige minatawece ɣonioxoadipi oyakadi moyaxawa oninitecibeci eledi. ⁸ Yajigota oko lixakedi me yajacaꝑadi eledi oko mida lowoꝑotakanegegi, odaa iniaagini Aneotedoꝑoji Liwigo baꝑa yajigota eledi oko me lixakedi me diigaxinagatece anodaagee me jowoꝑotaꝑa Aneotedoꝑoji. ⁹ Pida iniaaginitace Aneotedoꝑoji Liwigo yajigota eledi ɣonioxoa me niitigi me yoniciwadi eliwaꝑatakanegegi, codaa iniaagini Aneotedoꝑoji Liwigo yajigota eledi ɣonioxoa me yakadi me icilatidi eelotaginaga. ¹⁰ Codaa aagaꝑa yajigota eledi ɣonioxoa lixakedi meote loenataka ɣodoxicegetedi, iniaageledi baꝑa lixakedi me yatemati niꝑica ane ikeeteta Aneotedoꝑoji. Pida initecibece dibatege lixakedi me yowoꝑodi niꝑina niwigo mige icogoticogi miniwataga Aneotedoꝑoji, oꝑoa domige niwicidi abeyacaꝑaga. Initecibece dibatege lixakedi me dotaꝑatigilo eletidi iolatedi, iniaageledi baꝑa dibatege lixakedi me yeloꝑodi ane diitigi lotaga niꝑina ane dotaꝑatigi eledi ioladi. ¹¹ Pida oninitece Aneotedoꝑoji Liwigo, odaa iniokini me yajigotiogi oko inoatawece ane lixaketedi. Yajigota oko

lixaketedi ane daɣa diniciamico, anepaa yemaa me yajigota oninitecibeci oko me lixakedi.

Godolaadi owidi liwailidi

¹² Loiigi Cristo liciagi ɣodolaadi anowidi liwailidi adiniciamico, pida oniditeci ɣodolaadi.

¹³ Jiɣidaaɣee Aneotedoɣoji Liwigo negenagi digeladetioɣoji me ɣodajacaɣadi, eo mokokotece anee ɣodolaadi mokidatece pida owidi liwailidi, idaaɣida me doɣoko diniciamico. Godiwigotigi ina judeutedi, idiaa ane daɣa judeutedi; idi niotagipi idiaaɣeledi ane daɣa niotagipi. Odaa okotawece aɣoko diniciamico, pida jibaɣatege iniokini Aneotedoɣoji Liwigo.

¹⁴ Digawini! Niɣina ɣodolaadi aɣokiditece liwai, pida owidi liwailidi ane daɣa diniciamico.

¹⁵ Deɣee ɣodogonagi, “Aɣee ɣobaaɣadi, odaa aɣica anejitege ɣodolaadi.” Icaaɣica deɣeo niɣida ligegi, pida idokee mida aneetege ɣodolaadi.

¹⁶ Deɣee ɣonapaagate, “Aɣee ɣogecoogɣe, odaa aɣica anejitege ɣodolaadi.” Icaaɣica deɣeo niɣida ligegi, pida idokee mida aneetege ɣodolaadi.

¹⁷ Diɣinatawece ɣodolaadi nolee inokinoa ɣogecoogeli, amigetigida ɣonimaweneɣegi me jajipaaga, codaa diɣinatawece ɣodolaadi nolee inokinoa ɣonapaagate, amigetigida ɣonimaweneɣegi me jixigaɣate anigetigini ane danice?

¹⁸ Pida Aneotedoɣoji yexocaɣaditedi inoatawece liwailidi ane daɣa diniciamico midi ane yemaa meyatedeloco ɣodolaadi.

¹⁹ Godolaadi diɣidokida ica anee, agotaɣa ejinaɣa me ɣodolaadi. ²⁰ Joaniɣidaaɣee owidi liwailidi adiniciamico, pida idiokidi ɣodolaadi.

21 Pida gogecooge ayakadi degeeta gobaagadi, “Niğida mee ajopotibigağaji!”, codaa godacilo ayakadi degeetiogi godogonaka, “Niğida mee ajopotibigağajitiwaji!” 22 Niğida moko eliodi me jopooğatibige niğidiwa liwailidi godolaadi ane dağa yoniciwaditeda. 23 Codaa niğinoa liwailidi ane jakatağa me diğica ane jaogate, idowetağatelogo me jiweniğidenaga. Codaa eletidi liwailidi ane jakatağa me goboliğa me jikeenaga, bağa jağatağatedi. 24 Pida inoa eletidi liwailidi ane jakatağa me libinienaga, baadağa leeditibige me jağatağatedi. Joanigidaagee Aneotedoğoji yoe godolaadi eote mağaga yakadi me iweniğide liwailidi ane jakatağa me diğica ane jaogate. 25 Aneotedoğoji idaağigotedoğowa eotedibige me dağa dinotigimade gowailidi ane dağa diniciamico, pida oniditecibeci doweditelocoeledi. 26 Diğidi liwai godolaadi ane dawikode, oada inoatawece eletidi liwailidi aagağa nawikodeeğa. Niğica anoiweniğide, oada iditawece ninitibigiwaji.

27 Digawini! Niğida makaamitiwaji akaami lolaadi Cristo, oada oninitecibeci niğina akaamitiwaji akaami liwai lolaadi. 28 Odaa Aneotedoğoji eyatedeloco oninitecibeci oko epaa limedi. Odoeğegi me dibatediogi me ibake niğijoa liğexedi, niğidiaağidi niğina anoyeğoditedibece lowooko Aneotedoğoji, oada niğidiaağiditace niğinoa anodiğaxinagatece Aneotedoğoji lotağa. Niğidiaağidi ja niğinoa anida lixakedi mowote godoxiceğatedi, oada jiğidiaağidi anida lixakedi moicilatidi eelotaginadi, niğinoa anoyaxawaeledi aninoa ane yopotibige, codaa niğinoa

ane ḡodacilodi, codaa aagaḡa ixotediobece niḡina anoyakadi modotaḡatigilo eletidi iolatedi. ²⁹ Domigokotawece oko liḡexedi Aneotedoḡoji, oḡoa domigokotawece oko anoyeloḡoditedibece Aneotedoḡoji lowooko, oḡoa domigokotawece oko anodiḡaxinaḡatece lotaḡa Aneotedoḡoji? Domigokotawece ida ḡodixakedi me jaḡate ḡodoxiceḡetedi? ³⁰ Aḡokotawece ida ḡodixakedi me jicilatitaḡa eelotaḡinadi, oteḡexaaḡaḡa jotaḡanaḡatigi eletidi iolatedi, oteḡexaaḡaḡa okotawece jakataḡa me jeloḡotaḡa anodaa diitigi lotaḡa niḡina ane dotaḡatigieledi ioladi. ³¹ Odaa oletibige niḡica ane daḡaxa mele ḡadixakedi me yajigotaḡawa Aneotedoḡoji Liwigo.

Odaa ee baḡa jikeetaḡawatiwaji naigi ane daḡaxa mele.

13

Nemaanaḡaneḡegi

¹ Daḡa ixakedi me jotaḡatigilo inoatawece ane iolatedi digoina iḡo domiḡetaḡa ioladi anodotaḡatigi aanjotedi digoida ditibigimedi, pida nige diḡica yemaanaḡaneḡegitemaeledi oko, yotaḡa taḡa liciaceekawa layaageḡegi niḡina moyaxacoḡo ḡapileceḡe domiḡetaḡa layaagaḡawa natililena ane deḡeleteḡe layaageḡegi. ² Codaa daḡa najigotiwa Aneotedoḡoji Liwigo ixakedi me jatemati lowooko Aneotedoḡoji, codaa daḡa jakadi me jikee ane yaḡaditedini, codaa daḡa jakadi me jikee anodaagee me jowoḡotaḡa Aneotedoḡoji, codaa diḡida eyiwaḡatakanegigi ane yoniciwadi mabo me jiḡe wetiḡa nelegi malatí, pida nige

degee niḡina ane yemaa eledi oko, aḡica iniwaló.
³ Codaa daḡa jiboo inoatawece ane inepilidi, codaa daḡa idinajigo metidalegi, pida nige daḡa jemaa eledi oko, odaa aḡica ane jaogatabigiji.

⁴ Niḡina oko anida lemaanaganegegi, dinatita eledi oko, codaa idioka limedi meo aneletema eledi oko. Anocetema eledi, codaa alowoogo daḡa daḡaxa mele caticedi eledi oko, aḡanagaxakenegegi.

⁵ Niḡina oko anida lemaanaganegegi, aḡica loenatagi ane ḡoboliḡa, codaa adoletibige ganigidi mepoka yakadi. Codaa aloidenigi, analaḡatibige anigida anodigota ane beyagi.

⁶ Niḡina oko anida lemaanaganegegi, aninitibece niḡina eledi oko mowo ane beyagi, pida linikaḡawepodi niḡina anowo ane iḡenaga.

⁷ Niḡina oko anida lemaanaganegegitema eledi oko ixomaḡateetice ane beyagi anodigota, codaa eyiwaḡadi niḡina mini ane yotaḡaneḡe, codaa nibeotege midioka limedi mowo anele, codaa idioka limedi me dinatitalo lawikodico.

⁸ Niḡica nemaanaganegegi aḡica liniogo. Icota noko niḡina oko anoyatemati lowooko Aneotedoḡoji, me daḡadiaa leeditibige moyatemati, codaa niḡina oko anodotaḡatigi eletidi iolatedi, aḡaleeḡodotaḡatigi, codaa niḡina oko anodiḡaxinaḡatece anodaagee me jowoogotaḡa Aneotedoḡoji aḡalee leeditibige me niḡaxinaganaga.

⁹ Iḡaataḡa niḡina natigide anaḡa jowoogotaḡa icoatawece anee Aneotedoḡoji, codaa aḡokotawece jowoogotaḡa Aneotedoḡoji lowooko.

¹⁰ Pida nigicota niḡica noko nigokotawece jinataḡa Aneotedoḡoji, odaa ja jowoogotaḡa icoatawece analedaḡa

jowoogotagateda nişina natigide.

¹¹ Nişijo maleeşee nigaanigawaanigi, jaote inoatawece anepaa lakataşa nigaanigawaanigi. Codaa me jotaşa, me jowo aneji, jowooko micataşa nigaanigawaanigi. Pida natigide jeşee şoneleegiwa, odaa ja jika ane lakataşa nigaanigawaanigi. ¹² Odaa natigide micataşa daşa beyagi noleeşaxi ane jiwinagateloco, joanişidaa leeşodi me deşewi me idinataşa. Pida nişica noko nige idinataşatege Aneotedoşoji. Nişina natigide anişinoatawece jowoogodi, pida nişica noko anicota, odaa jowoogodi icoatawece, digo anee Aneotedoşoji me idowoogodi.

¹³ Odaa nenyagatiniwace nişidoa itoatadişida aneşinaşa: Gotiwaşatakaneeşegi, ina me inibeoonaşatege midioka limedi me idejonaşa miniwataşa Aneotedoşoji, codaa me şodemaanaşaneşegi. Pida aneeşegi daşaxa mida ane jaoga, başa şodemaanaşaneşegi.

14

Paulo eyalaşatalo anigotoşowa Aneotedoşoji Liwigo

¹ Enice adinoniciwaşati madinemaanitiwage. Odaa oleetibige Aneotedoşoji Liwigo me yajigotaşawa şadixakedi, pida daşaxa mida ane jaoga nige yajigotaşawa şanimaweneşegi meloşoti lowooko Aneotedoşoji. ² Nişina ane dotaşatigi eledi ioladi ane daşa jowoogotaşa inioka yotaşaneşeteda Aneotedoşoji ayotaşaneşetiogi oko, igaataşa aşica ane yowoogodi. Aneotedoşoji Liwigo yajigote

lixakedi me eetece nişica analee daşa ikeeteda Aneotedoşoji. ³ Pida nişina ane yatemati lowooko Aneotedoşoji yotaşaneşetiogi oko, odaa jeşeo modatitetelogo Goniotaşodi, codaa yajigotiogi mabo laaleşena codaa me nocaşaneşetiniwace. ⁴ Nişina ane dotaşatigi eledi ioladi beşepoka dinaxawa mepaanaga eyiwaşadi Goniotaşodi, pida nişina ane yatemati lowooko Aneotedoşoji başa yaxawa iditawece loiigi Aneotedoşoji mepaanogoşiyawaşadi.

⁵ Domaşa jemaş makaamitawecetiwaşi otaşanitigi eletidi iolatedi, pida daşaxatace me domaşa jemaş mabaateşetiwaşi şadixakedi matematii Aneotedoşoji lowooko. Igaataga nişina ane yatemati Aneotedoşoji lowooko daşaxa mida ane jaşa caticedi nişina ane dotaşatigi eledi ioladi ane daşa jowoşotaşa. Pida nişina ane yatemati Aneotedoşoji lowooko adaşaxa mida ane jaşa caticedi nişina ane dotaşatigi eledi ioladi nişagaşida lixakedi me yeloşodi anodaş diitigilo lotaşa, eotibige me yakadi me yaxawa iditawece loiigi Aneotedoşoji mepaanaga onakato.

⁶ Digawinitiwaşi, inioxoadipi! Nişejigo makaamitaşatiwaşi ođitaşa jotaşatigi eledi ioladi ane daşa şodowoşotaşi, amiida inimaweneşegi me şadaxawanitiwaşi? Idoka jakadi me şadaxawanitiwaşi nişagaşa jakadi me jeloşoditaşawatiwaşi ane yemaş Aneotedoşoji, oşoa domigina me jakadi me şadaxawanitece mele mowoşoti Aneotedoşoji, oşoa domigina me jakadi me jeloşoditaşawatiwaşi lowooko Aneotedoşoji, oşoa domigina me jakadi me

jiigaxinagatece gotiwagatakanegegi.

7 Nigica ane yatetigi natena, ogoa domige goxiiga-liwenaga, digo anee me digica lewiga pida ida layaagegegi. Nige degele me yatetigi, ailagatice latenaganegegi, odaa igame nimawenegegieledi oko moyowoogodi anida ica latenaganegegi? 8 Minoataga iigotedi anoyatetigi goloneeta moniditege oko nidelegecajoli, nige degele me noditice layaagegegi goloneeta, odaa agica ane dinenyagadi me didele. 9 Odaa idagagaaee, igame nimawenegegi oko moyowoogodi gadatematigo nige otaganitigieledi ioladi ane dogoyowoogodi? Gadotaga aniadi, yadeegi niocodi. 10 Ajawienatakanaga mowidi latopaco iolatedi nigina iigo, odaa inoatawece ida ane diitigi lotaga. 11 Pida nigida ane dotagatigieledi ioladi ane daga jowoogodi, odaa yakadi mee me ee icogegi, odaa ee aagaga jakadi me iomigigi. 12 Ele nigida anenitiwaji. Meliodi memaanitiwaji minoa gadixaketedi ane yajigotagawa Aneotedogoji Liwigo. Ele anenitiwaji, pida oleetibige gadixakedi ane yaxawa loiigi Aneotedogoji me ilitema eliwagatakanegegi.

13 Joanigidaa leegodi nigina ane dotagatigieledi ioladi leeditibige me dipokotalo Aneotedogoji me yajigote lowoogotakanegegi me yowoogodi epaa lotaga amaleegaga yelogoditiogieledi oko ane diitigilo nigicoa lotaga. 14 Igaataga nige jotaganege Aneotedogoji, pida jibakeeledi ioladi ane digica ane yowoogodi, iwigo begewi me yotaganege Aneotedogoji, pida yowoogo baadaga

yotaɣanegeteda Aneotedoɣoji. ¹⁵ Odaa, amiida ica ane jao? Nige iwigo yotaɣaneɣe Aneotedoɣoji, codaa me yowoogo. Iwigo digaanaga me dogetetibigimece Aneotedoɣoji, codaa me yowoogo idaaɣee. ¹⁶ Pida nigoɣeetetibigimece Aneotedoɣoji miniokini ɣadiwigo, odaa niɣina ane daɣa yowoogodi niɣica ane alitigi ɣagegi ayakadi deɣee, “Jiɣidaaɣee”, niɣina anejinaɣata “Amém”, niɣina maniotagodeetalo Aneotedoɣoji, igaataɣa ayowoogodi niɣicoa ɣadotaɣa. ¹⁷ Icaagica niɣica ane eni maniotagodeetalo Aneotedoɣoji nige ilaɣatice, pida baadaɣaxawani me ili eliwaɣatakaneeɣegi eledi oko.

¹⁸ Iniotagodetalo Aneotedoɣoji Iniotagodi igaataɣa jakadi me jotaɣatigilo iolatedi iomagaga catedi akaamitawecetiwaji. ¹⁹ Pida niɣina me jawatege Aneotedoɣoji loiigi, jakadi me daɣaxa mele mejitece onateciɣidiwa yotaɣa anoyakadi moyowoogodi oko ane jiiɣaxinaɣatece, pida aɣica jaoga daɣa jowidaɣatee yotaɣa me jotaɣatigi eledi ioladi, odaa agotiɣica ane yowoogodi ane diitigilo niɣicoa yotaɣa.

²⁰ Inioxoadipi, jinogowookoni micataɣa nigaanigi. Pida oleetibige me ɣadiciagi nigaanigawaanigi me degeo ane beyagi, codaa mowookoni oleetibige me ɣadiciagi niɣina baanogoko. ²¹ Digoida liwai oxiiɣodi Aneotedoɣoji lotaɣanaɣaxi, diniditelo,

“Jiige oko anodotaɣatigilo eletidi iolatedi moyotaɣaneɣe niɣidi yoiigi’,

mee Goniotagodi Aneotedoɣoji.

‘Domaḡa jao icoḡaḡa monotaḡaneḡetiniwace yoi-igi,
pida yoiigi idokee aḡoyemaa monajipatiwa.’ ”

²² Joaniḡidaaḡee, niḡina oko modotaḡatigilo eletidi iolatedi, oikeetiogi ane doḡoyiwaḡaditeda Goniotaḡodi, Aneotedoḡoji miniwa liwigotigi. Pida niḡina oko moditece Aneotedoḡoji lowooko, oikeetiogi anoyiwaḡadi Goniotaḡodi miniwa Aneotedoḡoji liwigotigi.

²³ Odaa nigiditawece loiigi Aneotedoḡoji yatecoḡo, odaa akaamitawecetiwaji otaḡanitigieledi ioladi ane diḡica moyowoḡodi, odaa nigonotaḡawa oko ane doḡoyowoḡodi, oteḡexaaḡaḡa oyowoḡoditeda Goniotaḡodi, odaa odiletibige daḡakaami yetoledipitetiwaji.

²⁴ Pida nigakaamitawecetiwaji eloḡotitedibece Aneotedoḡoji lowooko, odaa nigica ane daḡa nakatoteda Goniotaḡodi codaa nige diḡica lowoḡotakaneeḡegi, nige dakatioḡadiwigotigitiwaji, odaa ja yowoḡodi ane diitigi ane wajipata, odaa inoatawece notaḡa ane wajipatalo oikeeta minoa libeyaceḡeco, odaa ja deemitece Aneotedoḡoji me yelatetema leeḡodi libeyaceḡeco. ²⁵ Odaa ja yeloḡoditalo lowooko ane yaḡaditedini, odaa ja yamaḡatedi lokotidi lodoe Aneotedoḡoji me doḡetetalo. Codaa yatemati mewi Aneotedoḡoji miniwa ḡadiwigotigitiwaji.

Leeditibige loiigi Aneotedoḡoji me dinoxoḡo niḡina me yatecoḡo

²⁶ Odaa, inioxoadipi, igamodaaḡenitiwaji? Niḡina mateciḡitiwaji, oninitecibeci ida elaagi me igaa, codaa inieledi baḡa yemaa me

diiḡaxinaḡatece ḡotiwaḡatakaneeḡeḡi, iniaa eledi baḡa yemaa me diiḡaxinaḡatece anigida ane ikeete Aneotedoḡoji, pida eḡini eledi yemaa me dotaḡatigi eledi ioladi, iniaa eledi baḡa yemaa me yeloḡodi anodaa diitigilo lotaḡa niḡida oko ane dotaḡatigi eledi ioladi. Pida niḡina oko leeditibige me ibake ane lixakedi me yaxawa eledi oko mepaanaga eyiwaḡadi Goniotaḡodi. ²⁷ Nigica anoyemaa modotaḡatigilo eletidi iolatedi, ikani mokexaa itoataale oḡoa domige itoatadiḡida oko ane notaganaga, pida leeditibige me dinali, codaa leeditibige mini ane yeloḡodi ane diitigilo lotaḡa. ²⁸ Pida nige diḡica ane yeloḡodi anodaa diitigilo lotaḡa, odao leeditibige me notokotiniwace, odao leeditibige mepaa dinotaḡaneḡe iniaa Aneotedoḡoji. ²⁹ Odaa niḡina anoyeloḡoditedibece Aneotedoḡoji lowooko, leeditibige mokexaa itoa oḡoa domige itoatadiḡida ane notaganaga, odao niḡidi eledi baḡa leeditibige mokexaa oiwitece lotaḡa bidige oyowoḡodi migewi me notaganeeḡediniwace Aneotedoḡoji. ³⁰ Nige niḡida ane dotaga, pida odao Aneotedoḡoji jaḡaga ikeeteta lowoḡo eledi oko, odao niḡida odoeḡeḡi oko leeditibige me notokotini bidige yakadi niḡini eledi oko maḡaga yatemati ane ikeete Aneotedoḡoji. ³¹ Iḡaataḡa yakadi makaamitawece atematiitiwaji Aneotedoḡoji ane ikeetedaḡawa, pida niḡina madinaliitiwaji, bidige akaamitawece akati mowoḡoti codaa me yoniciwaḡadi ḡatiwaḡatakaneeḡeḡi. ³² Odaa niḡina anoyeloḡoditedibece lowooko Aneotedoḡoji

leeditibige me dinajacaḡadi niḡina me ibake lixakedi. ³³ Igaataḡa Aneotedoḡoji ayemaa niḡina ane dibatotigi, pida yemaa minoatawece ilaḡatedi.

Jiḡidaaḡee inoatawece eletidi lapoli Aneotedoḡoji loiigi. ³⁴ Iwaalepodi leeditibige me notokotiniwace niḡina me yatecoḡo Aneotedoḡoji loiigi modoḡetetibigimece. Aḡoyakadi me notaḡanaḡa. Digo aneeta Moisés lajoinaḡaneḡeco me daḡa yakadi daḡa ḡodacilo naḡana iwaalo, daḡa diḡenataka. ³⁵ Nigica anoyemaa moyowoḡodi, leeditibige moige lodawadi digoida liḡeladi, igaataḡa ḡoboliḡa iwaalo me dotaḡa niḡina me yatecoḡo Aneotedoḡoji loiigi.

³⁶ Igamigodaḡee? Domige icogoticogi makaamitaḡatiwaji Aneotedoḡoji lotaḡa? Oḡoa domigakamokakaamitatiwaji majipaatalo Aneotedoḡoji lotaḡa? ³⁷ Nigica ane yakadi minaḡina ane yeloḡoditedibece lowooko Aneotedoḡoji, oḡoa domiḡetaḡa ee me dibatege lixakedi ane yajigota Aneotedoḡoji Liwigo, oḡaa niḡini leeditibige me yowoḡoditece niḡinoa yotaḡa ane jidi me liḡenatakanegeco Goniotaḡodi. ³⁸ Pida nigica ane daḡa dibatege yotaḡa, jinaḡabaatege lotaḡa niḡini oko.

³⁹ Enice, inioxoadipi, oletibige Aneotedoḡoji Liwigo me yajigotaḡawatiwaji ḡadixakedi matem-
atii lowooko Aneotedoḡoji, codaa jinoḡoliitege oko me dotaḡatigi eledi ioladi. ⁴⁰ Pida oeni inoatawece moniwoditema aneni, codaa jinaḡawii ḡabakedi ane dibatotibige.

15

Paulo yalağatalo Cristo me yewigatace

¹ Inioxadipi, jema manalakitibigetiwaji ğobodicedi anele anoditece Jesus baanaga jatematitedağawatiwaji. Geme abaategetiwaji niğjoa natematiko, odaa jağatitetelocotiwaji ğatiwağatakanegegi leegodi niğjoa natematiko.

² Odaa leegodi mabaategetiwaji nibodicedi anele, Aneotedoğoji eote me ğadewikitace, nigidioka limedi manakatoni. Aęeote me ğadewikitace nige deęewi ina me iwagati.

³ Niğjo iniiğaxinaganegegi anonajigotiwa, ane dağaxa mida ane jaoga, joanigidaa ane jajigotagawatiwaji. Niğida niğaxinaganegegi eetece Cristo me yeletedeloco ğobeyaceęeco, digo aneeta nidigo midi liwai oxiiğodi Aneotedoğoji lotaganagaxi.

⁴ Odaa jogoixotediwece lawimağajegi-wetiğa, odaa niğitoatadiğida nokododi Aneotedoğoji ja yewikatiditace digo anee me diniditeloco liwai oxiiğodi Aneotedoğoji lotaganagaxi.

⁵ Odaa ja dinikeete Pedro niğidiaağidi dinikeetediogi dooze anodiotibece.

⁶ Niğidiaağidi ja dinikeetediogi caticedi me cinyeento ğonioxadipi ane yatecoęo. Eliodi niğidi enewiğa, pida jağajjo onateciğjo ane nigo.

⁷ Niğidiaağidi dinikeete Tiago, niğidiaağidi ja dinikeetacediogi ijoatawece liğexedi.

⁸ Noğowidi nokododi ixomağatedijo me dinikeetediogi Goniotagodi niğjoa eletidi liğexedi, odaa jağaga dinikeetediwa, ee owidijegi me jinadi, iciagi niğina nigaanigawaanigi ligotı analeediğicota noko menitini, negenitini.

⁹ Igaatağa eemoda niğina ane diğica ane jaoga liwigotigi idiwatawece liigexedi Aneotedoğoji. Ajibootatege niğina moditiwa me ee “liigexegi Aneotedoğoji”, leegodi ijo me jiatetibece loiigi Aneotedoğoji. ¹⁰ Pida Aneotedoğoji eliodi meletedomi codaa jigijaageote analeegeji niğina natigide. Eliodi meletedomi, iigi aneji me idewiğa codaa aғatooa meote niğida anigotediwa. Pida eliodi me jiba caticedi niğijoa eletidi liigexedi Aneotedoğoji. Codaa ajibake emaga yoniciwaga me jaote ijoatawece ibaketedi, pida jibake Aneotedoğoji loniciwaga ane najigotediwa. ¹¹ Enice ağica jaoga me joleegatibige me jowoogotağa ane dağaxa me diba, mige ee ogoa domige ijoa eletidi liigexedi. Okotawece idokida godatematigo ane jatematiğatagağawatiwaji, odaa jigiwagağatitiwaji.

Émagaga icota me newigatace

¹² Natigide jatematiğatagağawatiwaji Cristo me yewigatace. Enice igame leegodi midi ina akaamitiwaji anodi me dağa newigatace émagaga? ¹³ Émagaga nige dogoyakadi me newigatace, odaa Cristo amagağa yewigatace. ¹⁴ Codaa nige dağa yewigataceda Cristo, amica godatematigotağawatiwaji anele, odaa akaamitiwaji ağica ane iwağati. ¹⁵ Codaa egidaataca, Aneotedoğoji nige degeote Cristo me yewigatace, odaa tağa jiwitakağa jakapağatege Aneotedoğoji igatağa jatematiğa meotace Cristo me yewigatace. Aneotedoğoji ageote Cristo me yewigatace, nige dogoyakadi émagaga me newigatace. ¹⁶ Nige dağa newigatace

émagaga, dicewi Cristo me dağa yewigatace. ¹⁷ Cristo nige dağa yewigataceda, ađica mawii ġatiwağatakanegegi, codaa tağakaami aniatagigipitewaji iğaatağa Aneotedoğoji ayakadi dağa napitağadi ġabeyacegeco. ¹⁸ Codaa tegeledi aniatagigipi niğijo anoyiwağadi Cristo, baanaga nigo. ¹⁹ Nige jakatağa mejiwağatağa Cristo midokida me ġodaxawa malee ġodewiğa natigide, oko niğica oko ane dağaxa me agecağalodipi liwigotigi inatawece oko.

²⁰ Pida ewi Cristo me yewigatace, Jiğijaa odojegigi me yewigatace liwigotigi niğijoa émagaga anicota me newigatace, jiğijaa leegodi nige yewigatace. ²¹ Iğaatağa digo anee mina némaga leegodi onijoteci ġoneleegiwa ane liboonagadi Adão, ođaa idagağae oko oyakadi lewiğa leegodi onijoatece ġoneleegiwa ane liboonagadi Jesus. ²² Iğaatağa digo anee ijotawece niğijo oko baanaga nigo leegodi mida aneetege licogegi Adão, idagağae inatawece niğina oko anida aneetege Cristo icota me newigatace. ²³ Pida ewi niğidaagee. Cristo odojegigi me yewigatace. Ođaa nigidiaagidi niğina anida aneetege Cristo jağaga newigatace nige dopitedijo. ²⁴ Ođaa icota me daa niğina iigo. Niğica noko Cristo iğeke inoatawece aninoa nimawenegeco, ġoneleegiwadi codaa me niwicidi, codaa ane niigenatakanaga anida nağatetigi, codaa minoa ġodacilodi. Ođaa yajigoteta Eliodi, eotedibige Aneotedoğoji me iige iditawece. ²⁵ Pida niğina natigide leeditibige Cristo me diigenataka nigepaa iğeke inatawece ane nelogododipi. ²⁶ Owidijegi laxakawa ane

yaaḡadi, one némaḡa.

²⁷ Igaataḡa Aneotedoḡoji lotaḡanaḡaxi mee, “Aneotedoḡoji yajigote Goniotaḡodi me iteloco libaaḡadi inoatawece.” Pida igenaḡa me jowoogotaḡa niḡina mee, “inoatawece”, aḡeeta Cristo daḡa iḡe codaa me Aneotedoḡoji, leeḡodi Aneotedoḡoji jiḡijaa yajigote Cristo naḡatetiḡitedeloco inoatawece. ²⁸ Niḡina Cristo me iḡeke niḡinoa loniciwegaḡa, inaḡinoa ḡodacilodi, odaa Iniaaḡiniwa, ane Aneotedoḡoji Lionigi, dinaḡigo me itedeloco Aneotedoḡoji libaaḡadi, eotedibige Aneotedoḡoji me iḡe inoatawece aninoa.

²⁹ Natigide, idi oko ane dinileḡetibigiwaji oiwicideḡeta niḡijo oko baanaḡa nigo pida anaḡa dinileḡetibigiwaji. Nige daḡa icota me newiḡatace ijo oko, igatime leeḡodi me monileḡetiniwace oiwicideḡeta niḡijo oko analeedaḡa dinileḡetibigiwaji naḡa nigo? ³⁰ Niḡida moko, idioka limedi me ḡodawiile ane beyagi. Pida igame leeḡodi me idinatiḡata nige diḡicota me ḡodewiḡatace? ³¹ Inioxoadipi, jakadi me idinanetibece leeḡodi akaamitiwaji iḡaataḡa Goniotaḡodi Jesus Cristo anigotedaḡawatiwaji, joaniḡidaa leeḡodi me ilaḡatice mejitaḡawa minoatawece nokododi jakapeteḡe némaḡa. ³² Idineloadi me jao ibakedi mani nigotaḡa Éfeso micataḡa daḡa jideleḡe eijedi ane doide. Odaa émaḡaḡa nige daḡa newiḡatace, odaa amica jao niḡijo ibakedi. Odaa émaḡaḡa nige daḡa newiḡatace, daḡaxa mele me jaḡa aneeta niḡijo nigeḡi anee, “Ina baḡa iniboloiteenaḡa malee

godewiḡa digoina iḡo, codaa jiniodaḡa, jacipaḡa igaataḡa natiinigo i joḡoko ma.”

³³ Jinaḡa adininaalenitiwaji! Igaataḡa moditibece, “Niḡina ḡodokaḡetedi me beyaḡi oibeyacaḡadi ḡodakataga anele.” ³⁴ Pida owoo ane iḡenaḡa, odaa ikani mawii ane beyaḡi. Idi akaamitiwaji aniḡicoa doḡoyowoḡodi Aneotedoḡoji. Jao niḡida iḡegi amaleeḡaḡa anibolikitiwaji.

Aneotedoḡoji icota me najigotedoḡowa gela ḡodolaadi.

³⁵ Ijo oko ane nigikanaḡa, modi, “Igamigigote Aneotedoḡoji nigeote émaḡaḡa me newiḡatace? Igamigodaḡee ica gela lolaadi anodibateḡe?”

³⁶ Ejitaḡawatiwaji makaami yetoledi! Niḡina me aniti lolagi, idoka nokoloḡo nige yeleo. ³⁷ Codaa lolagi ane anitini, yakadi me lolagi leyeema, codaa yakadi mokanicodaḡaḡa eledi lolagi. Aḡanitini madatawece niale. ³⁸ Odaa Aneotedoḡoji yajigote naḡajo lolagi niḡica gela lolaadi ane yemaa me yajigote, codaa yajigote naḡajo lolagi ane latopagi mada me nawodigije.

³⁹ Codaa niḡinoa ane newiḡateloco niḡina iḡo adiniciamico ane liboledeḡeco. Oko ida epaa liboledeḡegi, codaa eijedi ida epaḡaḡa liboledeḡegi. Niḡinoa ilaaḡaxodi aaḡaḡa ida anepaaḡee lolaadi, codaa niḡinoa noḡojedi eledi ida anepaaḡee. Inoatawece niḡinoa aninoa ida anepaaḡee adiniciamico.

⁴⁰ Codaa niḡicoa ḡodoolatedi digoida ditibigimedi jeḡeletidi, codaa digoina iḡo jeḡeledi anee. Godoolatedi ane ideite ditibigimedi

libinienaga, pida aliciaco godoolateditigi nişina iigo eletidi libinienaga. ⁴¹ Aligege datale anepaagee, epenai datale pida jegeledi anee, yotetitedi datale pida jegeletiditace anee. Codaa onanitecibeci yotedi ida epaa latalagegi.

⁴² Odaa jişidaagee nige newişatace nişinoa émagaga. Digo anodigota naşana lolagi moyatinigi iigo, odaa godolaadi idaagee, onaligitini, odaa ja daa. Pida nişina Aneotedoşoji nigeote me godewişatace, odaa godolaadi gela aşalee daa. ⁴³ Nişina godolaadi monaligitini, beyagi. Pida nişina Aneotedoşoji nigeote gela godolaadi, başa libinienigi. Nişina godolaadi monaligitini, aşica loniciwaşa. Pida nigeote Aneotedoşoji gela godolaadi, odaa başa yoniciwadi. ⁴⁴ Godolaadi anelatibige nişina iigo, anonaligitini, başa şobitaka, inaa şobole. Pida godolaadi gela ane najigotedoşowa Aneotedoşoji başa icogotibigimece ditibigimedi. Jowoşodi minoa godoolatedi nişina iigo, odaa jowoşodi midywa geladi godoolatedi digoida ditibigimedi anicota me jibaşatege. ⁴⁵ Aneotedoşoji lotaşanaşaxi mee, “Aneotedoşoji eote me yewişa odoeşegi şoneleegiwa, ane liboonaşadi Adão.” Pida owidişegi Adão (ane Cristo) başa Liwişo Aneotedoşoji aneo me yewişatace. ⁴⁶ Nişina odoeşegi godolaadi ane şobitaka, inaa şobole aicogotibigimece ditibigimedi. Pida nigidiaşidi idaeledi gela godolaadi ane icogotibigimece ditibigimedi. ⁴⁷ Nişijo odoeşegi şoneleegiwa inaaşelatigi nişina iigo, odaa Aneotedoşoji datikate napaloaşa me yoe. Pida nişijo

owidijegi ghoneleegiwa baḡa Goniotagodi Jesus ane icoḡotedibigimece ditibigimedi. ⁴⁸ Niḡina oko anida aneetege niḡina iḡo liciagi niḡijo odoejegi ghoneleegiwa anelatibige niḡina iḡo. Pida niḡina oko anida aneetege ditibigimedi baḡa liciagi niḡijoeledi ghoneleegiwa ane icoḡotibigimece ditibigimedi. ⁴⁹ Odaa niḡida anejinaḡa natigide baḡalee ḡodiciagi niḡijo ghoneleegiwa Aneotedoḡoji ane yatite napaloaḡa me yoe, pida icota me ḡodiciagi Niḡijoa ane icoḡotibigimece ditibigimedi ane Cristo.

⁵⁰ Inioxoadipi, jema mejiḡaḡawatiwaji niḡina ḡodolaadi maleeḡejonagateloco niḡina iḡo, ane ḡobole, ḡodawodi ayakadi daḡa dakatiwece ditibigimedi aneite Aneotedoḡoji me diḡenataka. Iḡaataḡa niḡina ane yeleo inaḡina niḡina ane daa, ayakadi daḡa dakatio miniwataḡa Aneotedoḡoji, oditaḡa idioka limedi me yewiḡa.

⁵¹ Digawiniti waji! Ejiḡaḡawa me diḡica moyowoḡodi niḡijo oko niḡijo jotigide, pida Aneotedoḡoji baanaḡa nikeetedoḡowa. Aḡokotawece ḡodeleo, pida codaḡida nigicota Aneotedoḡoji me ḡodiḡi okotawece ane jinakatonḡa Goniotagodi. ⁵² Liciagi me yediḡa me jaḡaticoḡoḡo, Aneotedoḡoji nige ḡodiḡi niḡica nige yatetigi aanjo nigoloneeta niḡica owidijegi noko. Iḡaataḡa aanjo nige yatetigi nigoloneeta, odaa Aneotedoḡoji eote niḡijo anoyiwaḡadi baanaḡa nigo me newiḡatace, odaa yajigotediḡi gela lolaadi ane daa daa. Joaniḡidaḡigotedoḡowa me ḡodiḡi. ⁵³ Iḡaataḡa ḡodolaadi ane daa leeditibige me diniḡitaeledi

godolaadi ane daɣa daa, micataɣa niɣina oko ane noɣa lowoodi laxokodi, odaa dinixotinigilo nowoodi geladi. Odaa godolaadi ane yeleo leeditibige me diniigita godolaadi gela ane digica liniogo me yewiɣa. ⁵⁴ Niɣica noko Aneotedoɣoji nige najigotedoɣowa gela godolaadi ane daɣa daa, oteɣexaaɣa yeleo, odaa jiɣicota aneeta Aneotedoɣoji lotaɣanaɣaxi niɣijo mee, “Némaɣa ja ma.

Goniotagodi ja dinigaanyetetece loniciwaɣa némaɣa.

⁵⁵ Nagoodi ɣobegi!

Aɣalee anigaanyetoɣodici.

Nagoodi apiigo!

Aɣaleeɣakati manatiitoɣowa ɣanibite.”

⁵⁶ Gobeyaceɣegi joaniɣinaa ane yajigota némaɣa loniciwaɣa me datika nibite, codaa ɣobeyacaɣa ida loniciwaɣatogoloco leegodi liiɣenatakanegeco Aneotedoɣoji. ⁵⁷ Pida iniotagodeeɣatalo

Aneotedoɣoji, aneote me inigaanyaɣatece ɣobeyacaɣa inaa némaɣa leegodi Goniotagodi Jesus Cristo aneotedoɣodomi.

⁵⁸ Enice, inioxoadipi yemaanigipi, oleetibige midioka limedi matitetiniwace, jinaga amiɣiticetiwaji! Idioka limedi madinoniciwaɣati mawii ane libakedi Goniotagodi. Igaataɣa owoogotitiwaji minoatawece nibaketedi ane oenitema Goniotagodi ida niwaló.

16

Niboonaɣa anoiwakateetibige eledi lapo noiigi anonakato Goniotagodi

1 Nişina natigide, ejitece ғaboonaғatiwaji aniwakateenitigi loiigi Cristo ane idei nipodigi Judéia. Awii liciagi ane jiiғetiogi nişijo lapo loiigi Cristo digoida nipodigi Galácia. 2 Inoatawece domiingo awii iomaғatitice dinyeelo. Nişina aneliodi nigaanyeşegi leeditibige mowidi ane iomaғatiticedice dinyeelo, amaleeғaға nigejotaғawa, aғalee leeditibige matecoғoteeni ғaboonaға. 3 Nigejotaғawatiwaji, oдаa jiіge nişica ane ixipeniticoace. Jimonyatibigiwaji adiaa lodoeje notaғanaғaxi iwakate, amaleeғaға oyadeegi ғaboonaға dinyeelo manitaға nigotaға Jerusalém. 4 Nigele maғаға ejigo, oдаa ejigo ixigaғawepodi.

Paulo ane lowooko me loenataka

5 Ejotaғawatiwaji nigidiaaғidi nige jika midiaaғejo nipodigi Macedônia, igaataға leeditibige midiaaғejonawaanigi. 6 Ejime leecawaanigi midiaaғejo makaamitaғatiwaji, ejitibige midiaaғejo makaamitaғatiwaji idatawece limedi niwetаға, amaleeғaға akatitiwaji madaxawani me iniwiajeticogi ane leeditibige mejiiticogi nigidiaaғidi. 7 Ajemaa me ғadatitiwaji natigide oditаға onateciғidiwa nokododi midiaaғejo, igaataға inibeotege me jakadi meliodi midiaaғejo makaamitaғatiwaji, nige yemaa Goniotағodi midiaaғejo.

8 Pida ja yowoogo minaaғejo nigotaға Éfeso nigepaa ixomaғatice nalokegi anodita Pentecostes. 9 Igaataға digoina Éfeso micataға Aneotedoғoji daға yomoke epoagi-nelegi, oдаa jakadi me jaote owidi ibaketeditema. Codaa

aagaḡina eliodi ḡoneloḡododipi anoyemaa moibeyacaḡadi ḡobakedi.

¹⁰ Nigicotaḡawatiwaji Timóteo, oleetibige mawiite inoatawece amaleeḡaḡa deemitecece mele mini ḡadiwigotigitiwaji, igaataḡa aagaḡa eo libakedi Goniotagodi digo meetaga. ¹¹ Ajemaa digica ane daḡa niwita ḡonioxa Timóteo. Pida nige noditice ḡadiwigotigitiwaji, axawani mele me diniwiaje codaa mele menotiwa. Igaataḡa ee inaa ḡonioxadipi inibeonaḡatege menotoḡowa.

¹² Jemaa me idalaḡata ḡonioxa Apolo. Elioditibece me domaḡa jipokota me lixigaḡawepodieledi ḡonioxadipi modalitaḡawatiwaji. Pida anaḡa yemaa migo natigide. Pida nigica nimedi, odaa jiḡigo dalitaḡawatiwaji.

Owidijedi Paulo lotaḡa

¹³ Adinowetitiwaji, codaa jinagaḡiḡitice ane ḡoniḡaxinaḡaneḡeḡitece ḡotiwaḡatakaneeḡi. Awii liciagi ḡoneleegiwadi anabo laaleḡenali, codaa adinoniciwaḡatiteloco ḡatiwaḡatakaneeḡi.

¹⁴ Awii inoatawece aneni me ikee memaanieledi oko.

¹⁵⁻¹⁶ Natigide, inioxoadipi, owooḡoti Estéfanas ijaa loiḡiwepodi. Jiḡijaa odoeḡedipi monakato Goniotagodi digoida nipodigi Acaia, odaa dinoniciwaḡaditibigiwaji oyaxawa loiḡi Aneotedoḡoji ane iolatedice me nepilidi. Jipokotaḡawatiwaji me iwaḡati ḡoneleegiwadi liciagi niḡidi loiḡiwepodi Estéfanas, codaa mokanicodaḡicaeledi oko ane ḡodaxawa codaa aneo Goniotagodi libakedi.

17 Idinitibeci leegodi menagi Estéfanas, Fortunato, iniaa Acaico, igaataga etidaxawatece ane dagakati madaxawanitecetiwaji leegodi atakaami meetaga. 18 Etidoniciwaḡadi digo anodigotaḡawatiwaji metiḡadoniciwaḡati. Eemiteetibige niḡidiwa ḡoneleegiwadi codaa me niḡinoa eletidi ḡoneleegiwadi ane liciaceekawepodi.

19 Lapoli loiigi Goniotagodi ane ligeladi nipodigi Ásia oyecoaditibigaḡajitiwaji. Áquila aniaa Priscila idiaa lapo anonakato Goniotagodi ane yatecoḡo ligeladi, eliodi maḡaga oyecoaditibigaḡaji, leegodi mida anejinaḡatege Goniotagodi. 20 Inatawece ḡonioxadipi digoina meetaga oyecoaditibigaḡajitiwaji. Adinibedonitiwaji madiniceni leegodi makaami dinioxomigipi.

21 Natigide, emeḡee, Paulo, begemaga jiditedini niḡinoa owidijedi yotaḡa me idecoaditibigaḡajitiwaji. 22 Nigica ane daḡa yemaateda Goniotagodi, Aneotedoḡoji ixoo. “Marana tá!” one niḡina anejinaḡata, “Anagi, Goniotagodi!” 23 Jemaa Goniotagodi Jesus Cristo midioka limedi meletedaḡadomitiwaji. 24 Gademaani akaamitawecetiwaji leegodi mida aneniteḡe Jesus Cristo. Odaa jiḡidaaḡee. (Amém).

Gela Liwai Lotaganaḡaxi Aneotedoḡoji **New Testament in Kadiwéu (BR:kbc:Kadiwéu)**

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 11 Nov 2022 from source files
dated 29 Jan 2022
7128a549-e957-5460-8c56-0f5281edf264